



文獻考一百



鄱陽 馬端臨 貴與 著

周威烈王二十三年。九鼎震。顯王三年。雨金于櫟陽。赧王五十九年。周亡。秦昭王取九鼎。其一飛入泗水。餘八入于秦中。

漢武帝元鼎元年。夏五月。得鼎汾水上。四年。六月。得寶鼎。元封元年。詔曰。朕禮首山。昆田出珍物。化

或為黃金。應劭曰。昆田。首山之田也。武帝時。首山故神。為出珍物。化為黃金。征和

二年春。涿郡鐵官鑄鐵。鐵銷皆飛去。此火為變。使之然也。其三月。涿郡太守劉屈釐為丞相。後坐祝詛腰斬。成帝河平二年正月。沛郡鐵官鑄鐵。鐵不下。隆隆如雷聲。又如鼓音。工十三人驚走。音止。還視地。地陷數尺。鑪分為十一。鑪中銷鐵散如流星。皆上去。與征和二年同象。其夏。帝舅五人封列侯。元舅王鳳擅政。譖殺丞相王商。京兆尹王章。許后坐廢。趙飛燕為后。賊害皇子。成帝亡嗣。一曰。鐵飛。屬金不從革。按鑄鐵而鐵不成。正金不從革之異也。而西漢五行志以為火不炎上。誤矣。今並革而正之。

後漢明帝永平六年二月。王雒山出寶鼎。廬江太守獻之。詔以初祭之日。陳鼎于廟。以備器用。賜三公以下帛有差。十一年。灤湖出黃金。廬江太守以獻。湖在

廬州合肥縣

章帝建初七年。幸槐里歧山。得銅器。形似

酒樽。獻之。

魏明帝青龍中。盛脩宮室。西取長安金狄承露槃。槃折聲聞數十里。金狄泣。於是因留霸城。此金失其性而為異也。

吳孫權赤烏十二年。寶鼎出臨平湖。孫休永安三年。得大鼎于建德縣。

晉惠帝元康三年閏二月殿前六鍾皆出涕五刻止前年賈后殺楊太后於金墉城而賈后為惡不止故鐘出涕猶傷之也永興元年成都伐長沙每夜戈戟鋒有火光如懸燭此輕人命好攻戰金失其性而為光變也天戒若曰兵猶火也不戢將自焚成都不悟終以敗亡懷帝永嘉元年項縣有魏豫州刺史賈逵石碑生金可採此金不從革而為變也五月汲桑作亂郡寇颺起清河王暉為世子時所佩金鈴忽生起如粟者康王母疑不祥毀棄之及後為惠帝太子不終於位卒為司馬越所殺

程氏演繁露曰晉語云墓碑生金庾氏大忌初不曉生金為何等語按吳淑事類賦引魏志曰繁昌縣傳禪碑中生金表送上群臣盡賀王隱晉書曰永嘉中陳國項縣賈逵石碑中生金人盜鑿取以賣賣已復生此江東之瑞也其曰瑞者晉為金行故金生為祥元帝中興其應也據此而言則碑中誠生黃金矣亦異事哉

元帝永昌元年甘卓將襲王敦既而中止及還家多變怪照鏡不見其頭此金失其性而為妖也尋為敦所襲遂夷滅石季龍時鄴城鳳陳門上金鳳凰二

頭飛入漳河。海西太和中。會稽山陰縣起倉。鑿地得兩大船。滿中錢。錢皆輪文大形。時日向暮。鑿者馳以告官。官夜遣防守甚嚴。至明旦失錢所在。惟有船存。視其狀。悉有錢處。安帝義熙初。東陽太守殷仲文。照鏡不見其頭。尋亦誅翦。占與甘卓同也。陳後主禎。明二年五月。東治鐵鑄。有物赤色大如斗。自天墜。鎔所隆隆有聲。鐵飛破屋而四散。燒人家。東治者。陳人鑄兵之所。鐵飛為變者。金不從革之應。天戒若曰。陳國小兵弱云。其後卒亡。隋堯君素守蒲州。兵器夜有光如火。火礫金。金所畏

也。敗亡之象

劉武周據并州。兵勢甚盛。城上稍刃。夜每有火光。唐垂拱三年七月。魏州地出鐵如船數十丈。廣州雨金。金位正秋。為刑為兵。占曰。人君多殺無辜。一年兵災于朝。神龍初。東都白馬寺。鐵像頭無故自落於殿門外。天寶十載六月。大同殿前鐘自鳴。占曰。庶雄為亂。宰臣李適之常列鼎具饌。羞中夜。鼎躍出相鬪不解。鼎耳及足皆折。乾元二年七月。渾天儀有液如汗下流。元和中。翰林院有鈴。夜中文書入。則引之以代傳呼。長慶中。河北用兵。鈴輒自鳴。與軍中

息耗相應聲急則軍事急聲緩則軍事緩。光化四年冬武德殿前鐘聲忽嘶嘎。天復元年九月聲又變小。

後唐天成中偽漢欽州羅浮山民掘得古劍有篆文曰已與水同宮。王將耳口同尹來居口上山岫護重重以獻偽王劉陟國人莫之辯。及平廣南競傳其言知者云太宗以已亥年降誕是已水同宮也。於文耳口王為聖尹口為君重山為出蓋已亥年聖君出也。晉開運三年六月登州文登縣地內湧出金銅佛像四。

漢乾祐元年三月中書厨金鳴者七。

是月宰相李濟罷免勒歸私第

宋建隆二年七月晉江神山縣北谷中有鐵隨水流出方二丈三尺其重七十斤。至道二年二月桂陽監鎔銀自涌成山峯狀。咸平四年十二月亳州太清宮鐘自鳴。大中祥符六年九月臨江軍清江縣民李公邁至雲騰廟前過遇小童贈塊土還家剖之得天尊人主像五軀。慶曆四年五月乙亥撫州金谿縣得生金山重三百二十四兩。政和五年正月湖南提舉常平劉欽言蘆荻衝出生金重九斤八兩狀類靈芝祥雲。又淘得碎金四百七兩有奇。十一

月。越州言民戶拾生金。隍州丁羊谷金坑僅千餘
眼。得鑛成金共四等。計一百三十四兩有奇。崇寧
四年。三月鑄九鼎。用金甚厚。取九州水土內。鼎中既
奉安於九成宮。車駕臨幸徧禮焉。至北方之寶鼎忽
漏水溢于外。劉炳謬曰。正北在燕山。今寶鼎但取水
土於雄州境。宜不可用。其後竟以北方致亂。建炎
三年。吉州脩城役夫得髑顱棄之水中。俄浮一鐘。有
銘七十六字。大畧云。唐興元吾子歿。瘞廬陵西壘。後
當火德。五九之際。世衰道敗。浙梁相繼。喪亂章貢。康
昌之日。吾亦復出。是邦東平。鳩工復使。吾子同河伯

聽命水伯時。郡守命錄之。僅錄畢而鐘自碎。近金為
變怪也。紹興十一年。王管城都等路茶事馮康國
言。三月庚申。金虜居長安。兵刃皆生火光。天變豈直
示虜。亦示國家以恢疆之圖。此與晉志永興初。成
都伐長沙。戈戟火光。及唐志劉武周。稍刃火光。同占
輕人命。好攻戰。金失其性。為光恠也。兵猶火也。弗戢
自焚。敗亡象也。二十六年。七月辛酉夜。天雨水銀
與唐志貞觀廣州雨金同占。金位正秋。為刑為兵。占
曰。人君多殺無辜。一年災于朝。是歲成都郫縣地
出銅馬高三尺。工制甚精。中宵風雨。輒聞嘶聲。紹

興中。秦檜別墅。農夫耕鑿。得金甕。重二十四鈞。慶元二年。正月。秦寧縣耕夫。得鏡。厚三寸。徑一尺二寸。照水徹底。對日爭輝。病熱者鑑之。心骨生寒。後為雷震而碎。十二月。吳縣金鷲鄉。銅錢百萬自飛。漢書陰盛陽微。金鐵為飛。

玉石之異

春秋。昭公八年春。石言於晉。晉平公問師曠。對曰。石不能言。神或馮焉。作事不時。怨讟動於民。則有非言之物而言。於是晉侯方築虜祁之官。虜祁地在絳西臨汾水劉歆以為金石同類。是為金不從革。失其性也。劉向以

為石。白色為主。屬白祥。昭公二十四年。王子朝以

成周之寶。湛於河津。人得之。河上陰不佞。取將賣之。

則為化石。詳見白祥門

漢孝昭元鳳三年。泰山有大石起立。詳見白祥門

成帝鴻嘉三年。五月乙亥。天水冀南山大石鳴。聲隆

隆如雷。有頃止。聞平襄二百四十里。壘鷄皆鳴。石長

丈三尺。廣厚畧等。旁著岸脅。去地二百餘丈。民俗名

曰。石鼓。石鼓鳴。有兵。是歲廣漢鉗子謀。鉗子謂鉗徒

攻牢。篡死。囚鄭躬等。盜庫兵。劫畧吏民。後四年。尉氏

樊並等謀反。殺陳留太守。山陽亡徒蘇令等。黨與

數百人盜庫兵。經歷郡國四十餘。皆踰年乃伏誅。時起昌陵。作者數萬人。徙吏民作治。五年不成。與晉石言同應。師曠所謂民力彫盡。傳云。輕百姓者是也。

魏明帝青龍元年。張掖柳谷口水溢。涌寶石負圖狀。

象靈龜立于川西。有石馬七。及鳳麒麟白虎犧牛璜。

玦八卦列宿字彗之象。又有文曰。大討曹。此晉之符。

命。而於魏為妖。好攻戰。輕百姓。飾城郭。侵邊境。魏氏。

三祖。皆有其事。石圖發於非常之文。此不從革之異。

晉定大業。多斃曹氏。石瑞文。大討曹之應也。

吳孫亮五鳳二年。陽羨離里山大石自立。孫皓

天璽元年。鄱陽言歷陽山石文理成字。凡二十云。

楚九州渚。吳九州都。揚州士。作天子。四世治。太平

始。江左傳曰。歷陽縣有石山。臨水高百丈。其三十

俗相傳謂之石印。又云。石印封發天下。當太平有

祠屋巫祝言石印神。有三郎。特歷陽長表上言石

印發皓遣使以太牢祭歷山。巫言石印三郎說天

下。方太平使若作高梯。上看印文。詐以朱書石作

二十字。還以啓皓。皓大喜。曰。吳當為九州。作都渚

乎。從大皇帝逮孤。四世矣。太平之主。非孤復誰重

遣使以印綬拜三郎為王。又刻又吳興陽羨山有

空石長十餘丈。名曰石室。在所長為大瑞。乃遣兼
司徒董朝兼太常周處。至陽羨縣封禪國山。明年。
改元大赦。以協石文。

晉惠帝永平五年。有石生於京師宜年里。永康元
年。襄陽得鳴石。丹陽湖有浮石。真定獲玉馬。詳並見白

門祥元帝初渡江。有玉冊見於臨安。白玉麒麟神璽
出於江寧。其文曰。長壽萬年。皆以為中興之驗馬。

愍帝建興五年。石言于平陽。時帝蒙塵。亦在平陽。故
有非言之物而言。妖之大者。俄而帝遇害。

劉曜時。終南山崩。長安人劉終於崩所得白玉方
一尺。有文字曰。皇亡皇亡。敗趙昌。井水竭。構五梁。

喞五各反酉小。衰困囂喪。嗚呼。嗚呼。赤牛奮鞞。直引反
其盡乎。時群下咸賀。以為勒滅之徵。曜大悅。齊七

日而後受之於太廟。大赦境內。以終為奉瑞大夫。

中書監劉均進曰。臣聞國主山川。故山崩川竭。君
為之不舉。終南京師之鎮。國之所瞻。無故而崩。其

凶焉可極言。昔三代之季。其災也如是。今朝臣皆
言祥瑞。臣獨言非。誠上忤聖旨。下違眾議。然臣不

達大理。竊所未同。何則。玉之於山石也。猶君之於
臣下。山崩石壞。象國傾人亂。皇亡皇亡。敗趙昌者。

此言皇室將為趙所敗。趙因之而昌。今大趙都於
秦雍。而勒跨全趙之地。趙昌之應當在石勒。不在

我也。井水竭。構五梁者。井謂東井。秦之分也。五謂

五車。梁謂大梁。五車大梁。趙之分也。此言秦將竭滅以構成趙也。罅者歲之次。名作罅也。言歲馭作罅。酉之年。當有敗軍殺將之事。困謂困敷。丁回歲反。在子之名。玄囂亦在子之次。言歲馭於子。國當喪亡。赤牛奮鞞。謂赤奮若在丑之歲名也。牛謂牽牛。東北維之宿。丑之分也。言歲在於丑。當滅亡盡。無復遺也。此其誠悟。蒸欲陛下勤脩德化以禳之。石虎時。青州言濟南平陵城北石虎。一夜中忽移在城東南善石溝上。有狼狐千餘迹隨之跡皆成路。虎大悅曰。石虎者朕也。自北而南者天意將使

朕平蕩江南也。其勅諸州兵明年。朕當親董六軍。以副成路之祥。群臣皆賀。又有石燃于泰山。八日而滅。東海有大石自立。旁有血流。鄴西山石間血流。血長十餘步。廣二尺餘。

慕容雋既僭位。初石虎使人探策于華山。得玉版文曰。歲在申酉。不絕如綫。歲在壬子。真人乃見。及此燕人咸以為雋之應也。又常山大樹自拔。根下得璧七十。珪七十。三光色精奇。有異常玉。雋以為岳神之命。遣其尚書段勤以太牢祠之。

梁武帝中大同元年春。曲阿縣建陵隧口。石辟邪起

舞

齊高祖受禪之日。滎陽郡人尹千於嵩山東南隅見天雨石。墜地石開有玉璽在其中。璽方三寸。文曰。戊丁之人。與道俱。肅然入草。應天符。掃平河洛。清魏都。又曰。皇帝運興。千奉璽以獻。案宋武帝於嵩高山得玉璧三十二枚。神人云。此是宋分世之數。三十二年。二三十也。宋自受命至禪齊。凡六十年云。

後齊武成河清四年。殿上石自起。兩兩相對。

唐貞觀十七年八月。涼州昌松縣鴻池谷。有石五青質。白文。成字曰。高皇海出多子李。元王八十年。太平

太子李世民。千年太子李治書。燕山人士樂太國主。尚汪譚。樊文仁。邁千古大王五王六王七王十鳳毛。才子七佛八菩薩。及上果佛田。天子文武貞觀。昌大聖延四方。上不治。示孝仙。戈八為善。太宗遣使祭之。曰。天有成命。表瑞貞石。文字昭然。曆數惟永。旣旌高廟之業。又錫眇身之祚。迨于皇太子治。亦降貞符。具紀姓氏。甫為寡薄。彌增寅懼。昔魏以土德代漢。涼州石有文。石金類以五勝推之。故時人謂為魏氏之妖。而晉室之瑞。唐亦土德王。石有文。事頗相類。然其文初不可曉。而後人因推已事以驗之。蓋武氏革命。自

以為金德王。其佛菩薩者。慈氏金輪之號也。樂太國主。則鎮國太平公主。安樂公主。皆以女亂國。其五王六王七王者。唐世十八之數。開元二十三年。十二月己巳。龍池聖德頌。石自鳴。其音清遠。如鐘磬。近石言也。至德二年。昭陵石馬汗出。昔周武帝克晉州。齊有石像。汗流濕地。此其類也。上元二年。楚州獻寶玉十三。曰。玄黃天符。形如笏。長八寸。有孔。云辟兵疫。曰。玉鷄毛。白玉也。曰。穀壁。亦白玉也。粟粒自然。無雕鐫迹。曰。西王母白環二。曰。如意寶珠。大如鷄卵。曰。紅靺鞨。大如巨栗。曰。琅玕珠二。形如玉環。四分缺一。曰。玉印。大如斗。手埋如鹿。陷入印中。曰。皇后採桑。鉤如著屈。其末曰。雷公石。斧無孔。其一闕。凡十三。置之日中。白氣連天。元和中。文水武士獲碑。失其龜頭。太和三年。南蠻圍成都。毀玉晨殿石為礮。有吼聲三。乃止。四年。浙西觀察使王蟠治潤州。城隍中得方石。有刻文曰。山有石。石有玉。玉有瑕。瑕即休。廣明元年。華岳廟。玄宗御製碑。隱隱然有聲。聞數里間。浹旬乃止。近石言也。

南漢劉鋹時。宮中井旁石自立。行百餘人而仆。宋太平興國四年。九月。嘉州夾江縣民王誦得江石。

二。皆黝質丹文。隱起成字。一曰。君王萬歲。一曰。趙二十一年帝。三年。四月。華州言秦嶺南石洞自開。遣吏馬文則秉炬視之。入數十步。得丹砂千二百粒。獸形石六以獻。五年。五月。鄭州脩東岳祠。穿土得玉杵。曰。七年。六月。深州陸澤縣民王緒。田中得白兔。逐入穴。掘之。得石佛五十軀。皆長尺餘。天禧三年。正月。晦。潁州沈丘縣民駱新。田間震雷。頃之。隕石三。入地七尺許。大中祥符五年。四月。慈州民飢。鄉寧縣山生石脂如麪。可為餅餌。政和二年。元圭始出。晉州。上一石綠色。方三尺餘。當中有文曰。堯天正。其字

如掌大。而端楷類手畫者。堯字居右。天正字綴行如左。都堂驗視。礮石三分。而字畫愈明。又於堯字之下。隱約出一瑞字。位置始均。蓋曰。天正堯瑞云。或謂晉陽堯都也。方元圭出。乃有此瑞。殆宣和內禪之祥。政和三四年。府畿汝蔡之間。連山大小石。皆變為瑪瑙。尚方取為寶器。玩甚富。宣和四年後。御府所藏。往往復變為石。而色類白骨。此與周寶圭占略同。五年。鄭州滎陽縣。賈谷山麒麟谷。採石脩明堂。得一石。有文曰。明。百官表賀。七年。二月丙戌。張杲言北岳廟於廟側二十里。黃山獲石柱十六條。脩短闊狹。

皆應營造法式用建正門。毫釐不差。建炎三年四月。鼎州桃源洞大水。巨石隨流而下。石間成文。或識者三十二字。其文曰。無為大道。天知人情。無為窅冥。神見人形。心言意語。鬼聞人聲。犯禁滿盈。地收人鬼。與唐志貞觀中。鴻池谷石文同占。紹興元年。潭州得白玉于州城蓮池中。孔彥舟以獻于朝。詔却之。漢志以為玉變。近白祥。與石怪同占。後彥舟為劇盜。乾道二年。三月丙午。夜。福清縣石竹山。大石自移聲如雷。石方可九丈。所過成蹊。纔四尺。而山之草木如故。慶元二年。六月辛未。黃巖縣大石自隕。雷雨甚。

至山水湧出

白青白祥

天兩毛地生毛

春秋左傳。昭公二十四年。十月癸酉。王子鼯以成周之寶圭湛于河。以祭河也幾以獲神之助。甲戌。津人得之。河上陰不佞。取將賣之。則為石。時王子鼯篡天子位。萬民不鄉。號令不從。故有玉變。近白祥也。癸酉入而甲戌出。神不享之。驗云。玉化為石。貴將為賤也。後二年。子鼯奔走而死。

秦始皇二十六年。鄭容遇江神。持璧言祖龍死事。詳見與周子鼯同應。是歲石隕東郡。民或刻其石曰。始

皇死而地分。此皆白祥。炆陽暴雷。號令不從。孤獨治。群陰不附之所致。其歲始皇死。後三年秦滅。

漢孝昭元鳳三年。正月。泰山萊蕪山南。匈匈有數千人聲。民視之。有大石自立。高丈五尺。大四十八圍。入地深八尺。三石為足。石立處有白鳥數千。集其旁。眊

孟以為石陰類。下民象。太山岱宗之岳。王者易姓告代之處。當有庶人為天子者。孟坐伏誅。京房易傳曰。

復崩來無咎。復卦之辭。今易作朋來。自上下者為崩。厥應泰山

之石顛而下。顛。墜也。聖人受命。人君虜。又曰。石立如人。

庶士為天下雄。立於山同姓。平地異姓。立於水。聖人

於澤。小人。天漢元年三月。天雨白毛。三年八月。天

雨白毛。毛之強曲。者音力之反。京房易傳曰。前樂後憂。厥妖天

雨羽。又曰。邪人進。賢人逃。天雨毛。

吳孫亮五鳳二年五月。陽羨縣離里山。大石自立。

案京房易傳曰。庶士為天子之祥也。其說曰。立石

於山。同姓。平地。異姓。于寶以為孫皓承廢故之家

得位。其應也。或曰。孫休見立之祥也。

晉武帝太康十年。洛陽宮西宜秋里。石生地中。始高

三尺。如香爐形。後如偃於武人。槃薄不可掘。按劉向

說。此白青也。明年宮車晏駕。王室始騷。卒以亂亡。京

房易傳曰。石立如人。庶士為天下雄。此近之矣。惠
 帝元康五年。十二月。有石生於宜年里。永康元年。
 襄陽郡土言。得鳴石撞宅江之聲。聞七八里。太安
 元年。丹陽湖熟縣夏架湖有大石浮二百步而登岸。
 民驚噪。蘇到反相告曰。石來。于寶曰。尋有石冰入建鄴。
 車騎大將軍東嬴王騰。自并州遷鎮鄴。行次真定。時
 久積雪。而當門前方數丈。獨消釋。騰怪而掘之。得玉
 馬。高尺許。口齒缺。騰以馬者國姓。上送之。以為瑞。然
 馬無齒。則不得食。妖祥之兆。衰亡之徵。按占此白祥
 也。是後騰汲桑所殺。而天下遂亂。武帝泰始八年。

五月。蜀地雨白毛。此白祥也。時益州刺史皇甫晏伐
 汶山。胡從事何旅固諫不從。牙門張弘等因眾之怨。
 誣晏謀逆。害之。京房易傳曰。前樂後憂。厥妖天雨羽。
 又曰。邪人進。賢人逃。天雨毛。其易妖曰。天雨毛羽。貴
 人出走。三占皆應。惠帝永寧元年。齊王固舉義軍。
 軍中有小兒。出於襄城繁昌縣。年八歲。髮體悉白。頗
 能卜。於洪範白祥也。成帝咸康初。地生毛。近白祥
 也。孫盛以為人勞之異也。是後石季龍滅而中原向
 化。將相皆甘心焉。於是方鎮屢革。邊戍仍遷。皆擁帶
 部曲。動有萬數。其間征伐徵賦。後無寧歲。天下勞擾。

百姓疲怨。咸康三年六月地生毛。孝武太元二年五月京都地生毛。至四年而氐賊次襄國圍彭城向廣陵征戍仍出兵連年不解。太元十四年四月京都地生毛。是時符堅滅後經畧多事人勞之應也。十七年四月地生毛。安帝隆安四年四月乙未地生毛。或白或黑。元興三年五月江陵地生毛。是後江陵見襲。義熙三年三月地生白毛。十三年三月地生毛。明年王旅西討司馬休之。又明年北掃關洛。

梁武帝大同二年地生白毛長二尺近白祥也。孫盛

以為勞人之異。先是大發卒築浮山堰功費鉅億垂成復潰。百姓怨嗟。太清二年九月地生白毛長二尺。時侯景舉兵反。

後齊河清元年九月滄州及長城之下地多生毛。或白或黑長四五寸近白祥也。時北築長城內興三臺人苦勞役。天統初岱山封禪壇玉璧自出近白祥也。岱山王者易姓告代之所。玉璧所用幣而自出。將有易姓者用幣之象。其後齊亡地入于周隋高祖受周禪天下一統焚柴太山告祠之應。武平三年白水巖下青石壁傍有文曰齊亡走入改為上延。後主

以為嘉瑞。百寮畢賀。後周師入國。後主棄鄴而走。隋文帝開皇六年。七月。京師雨毛。如髮。尾長者三尺。餘。短者六七寸。京房易飛侯曰。天雨毛。其國大飢。時關中旱。米粟踴貴。十七年。石隕於武安。滏陽間十餘。洪範五行傳曰。石自高隕者。君將危殆。後七年。帝崩。開皇末。高祖於宮中埋二小石於地。以誌置牀之所。未幾變為玉。劉向曰。王者至貴也。賤將為貴之象。及大業末。盜皆僭名號。大業十三年。西平都有石文曰。天子立千年。百僚稱賀。有識者尤之曰。千年萬歲者。身後之意也。立稱立千年者。禍在非遠。明年而

帝被殺

唐調露元年。十一月壬午。秦州神亭治北。霧開如日。初暉。有白鹿白狼。見。近白祥也。垂拱元年。九月。淮南地生毛。或白或蒼。長者尺餘。遍居人牀下。揚州尤甚。大如馬鬣。焚之。臭如燎毛。占曰。兵起。民不安。神龍二年。四月己亥。雨毛于越州之鄞縣。占曰。邪人進賢人遁。大曆二年。七月甲戌。日入時。有白氣亘天。九月戊午夜。白露起。西北亘天。五年。五月甲申。西北有白氣亘天。建中四年。四月甲子。京師地生毛。或黃或白。有長尺餘者。貞元四年。四月。淮南及河

南地生毛。二十年九月庚辰甲夜有白氣入東西際天。太和三年八月西方有白氣如柱。六年二月蘇州地震生白毛。七年十月己酉西方又有白氣如柱者三。光啓二年四月有白氣頭黑如髮自東南入于揚州滅。光化二年三月乙巳日中有白氣亘天自西南貫于東北。天復元年八月己亥西方有白雲如履底中出白氣如疋練長五丈上衝天。分為三彗頭下垂。占曰天下有兵白者戰祥也。宋嘉祐七年三月徐州彭城縣白鶴鄉地生麵。占曰地生麵民將飢。五月濠州鐘離縣地生麵。熙寧元

年荆襄間天雨白菴如馬尾長者尺餘彌漫山谷。三月丁酉潭州雨毛。八月五月丁丑雨黃毛。元豐三年五月青州臨朐益都石化為麵民取食之。靖康二年二月壬午夜四鼓白氣如虹自南亘北須臾移西南至東北天明而沒。建炎二年杜充為北京留守一日天雨紙錢于營中厚盈寸明日與金虜戰于城下敗績錢金類金兵象紙白祥也。三年三月白氣貫日未幾苗傅等作亂凡白氣之占皆為天下有兵戰白祥也。四年五月壬子夜北方有白氣十餘道如練語在赤祥。紹興元年二月己巳夜東

南有白氣。十一年。馮康國言三月庚申。金虜居長安。油酒皆變白色。語在金傳及夜妖。此白祥也。四西方。兵象也。亦喪祥。後金酋亶為下所弑。三十年。十一月甲午夜。西南有白氣。出危入昴。十二月戊申。白氣出尾入軫。貫天市垣。三十一年。十二月辛丑。白氣如帶。東西亘天。出斗歷牛。隆興元年。十二月壬午夜。白氣見西南方。出危入昴。二年。正月甲寅夜。西南有白氣。亘天如帶。乾道元年。正月庚午。白氣見西北方。出奎入參。三月戊辰夜。白氣如帶。自參及角。東西亘天。四月丁酉夜。白氣見西北方。入天

市垣。辛丑夜。白氣入北斗。乙巳夜。白氣入紫微垣。十月己丑夜。蒼白氣見南方。入翼。十一月丙寅。白氣如帶。出女入昴。東西亘天。二年。十二月庚午夜。白氣如帶。東西亘天。出女入昴。淳熙十年。正月戊子夜。西南有白氣如天。漢而明。南北廣可六丈。東西亘天。歷壁至畢。紹熙五年。六月壬寅夜。白氣亘天。自紫微至亢角。己酉日入後。白氣亘天。頃刻而散。慶元五年。二月癸酉夜。東北方白氣如帶。自角至參。八月甲子。東北方有白氣如帶。亘天。嘉泰四年。十一月壬申。晝有白氣。分數道。亘天。紹熙四年。十一

月癸酉。地生毛。占曰。兵起民不安。後一年。韓侂胄用事。卒有開邊毒民之禍。

文獻通考卷之三百

文獻通考卷三百一

鄱陽馬端臨 貴與 著

物異考

歲凶

即五行所謂稼穡不成也。然則歲凶年穀不登。蓋土失其性所致。而地震山崩之屬。亦土失其性也。故以繼歲凶之後。

春秋莊公二十八年冬。大水。亡麥禾。劉向以為水旱當書。不書水旱而曰大亡麥禾者。土氣不養。稼穡不成也。時夫人淫于二叔。內外亡別。

二叔謂莊公二弟仲慶父及孫牙

又因凶飢。一年而三築臺。故應稼穡不成。飾臺榭。內
淫亂之罰云。

秦始皇十六年。民大飢。十九年。大飢。

漢高祖二年。關中大飢。米斛萬錢。人相食。令民就食
蜀漢。武帝建元三年。平原大飢。人相食。元鼎三
年。四月。關東郡國十四餘飢。人相食。元帝初元元
年。九月。關東郡國十一飢。或人相食。轉旁郡穀以相
救。二年。六月。關東飢。齊地人相食。王莽地皇時。
天下大飢。寇盜鋒起。
後漢光武二年。關中飢。人相食。安帝永初三年。京

師大飢。民相食。桓帝延熹九年。司隸豫州飢。死者
什四五。至有滅戶者。獻帝興平二年。關中大飢。人
相食。啖白骨委積。

吳孫皓時。常歲無水旱。苗稼豐美。而實不成。百姓
以飢。闔境皆然。連歲不已。吳人以為傷露。非也。劉
向春秋說曰。土氣不養。稼穡不成。此其義也。皓初
遷武昌。尋還建鄴。又起新館。壯麗過甚。犯暑妨農。
官私疲怠。月令季夏。不可興土工。皓皆冒之。此修
宮室飾臺榭之罰也。

晉愍帝建興四年。京師大飢。元帝大興二年。吳郡

吳興東陽無麥禾大飢。成帝咸和五年。無麥禾。天下大飢。穆帝永和十年。二麥不登。十二年。大無麥。孝武太元六年。無麥禾。天下大飢。安帝元興元年。無麥禾。天下大飢。

北齊後主武平四年。山東飢。時大興土木。窮侈極麗。後宮侍御千餘人。皆寶衣玉食。逆中氣之咎。

隋煬帝大業五年。燕代齊魯諸郡飢。先是建立東都制度崇侈。又宗室諸王。多遠徙邊郡。

唐貞觀元年。關內飢。總章二年。諸州四十餘飢。關中尤甚。儀鳳四年春。東都飢。調露元年秋。關中

飢。永隆元年冬。東都飢。永淳元年。關中及山南

州二十六飢。京師人相食。垂拱三年。天下飢。大足

元年春。河南諸州飢。景龍二年春。飢。三年三月。

飢。先天二年冬。京師岐隴幽州飢。開元十六年。

河北飢。乾元三年春。飢。米斗錢千五百。廣德二

年秋。關輔飢。米斗千錢。永泰元年。飢。京師米斗千

錢。貞元元年春。大飢。東都河南河北米斗千錢。死

者相枕。二年五月。麥將登而雨霖。米斗千錢。十

四年。京師及河南飢。十九年秋。關輔飢。元和七

年春。飢。八年。廣州飢。九年春。關內飢。十一年。

東都陳許州飢。長慶二年。江淮飢。大和四年。河北及太原飢。六年春。劔南飢。九年春。飢。河北尤甚。開成四年。温台明等州飢。大中五年冬。湖南飢。六年夏。淮南飢。海陵高郵民於官河中。漉得異米號聖米。九年秋。淮南飢。咸通三年夏。淮南河南飢。九年秋。江左及關內飢。東都尤甚。乾符三年春。京師飢。中和二年。關內大飢。四年。關內大飢。人相食。光啓二年二月。荆襄大飢。米斗三千錢。淮南大飢。三年。揚州大飢。米斗萬錢。大順二年春。淮南大飢。天祐元年十月。京師大飢。

宋明道二年。南方大旱。種餉皆絕。人多流亡。因飢成疫。死者十二三。官作粥糜以飼之。然得食者輒死。墟里幾為之空。建炎元年。汴京大飢。米升錢三百。一鼠之直數百錢。人啖道殣。無餘貲。取水藻春槐葉以食。三年。山東郡國大飢。人相食。時金虜陷京東諸郡。民聚為盜。至車載乾尸為糧。紹興元年。行在越州。及東南諸路郡國飢。令郡發常平倉粟以賑。勸分禁遏糴。淮東京東西。流民聚常州平江府者多。殍死。亦令各郡賑之。二年春。兩浙福建飢。米斗千錢。令憲臣移廣粟以賑。時餽饟繁急。民益難食。詔漕江東西上供粟。給軍饟以寬浙民。三年。吉邨道州桂陽

監飢。皆令宣諭使振之。流民之五年。湖南大飢。殍

死。流亡者衆。詔移粟減賦。令漕臣賑之。夏。潼川路飢。米斗二千。

人食糟糠。興元飢。民流于果閬。令漕臣賑之。秋。温處州

飢。漕閩粟萬石以賑。六年春。浙東福建飢。湖南江西大飢。

殍死甚衆。民多流徙。郡邑盜起。令帥臣部使者振粟。勸分且漕廣粟以助。

夏。四月。蜀亦大飢。米斗二千。利路倍之。道瑾枕藉。令

臣賑粟。蠲賦是歲。果州守臣宇文彬獻禾粟九穗。圖吏部侍郎晏敦復言。果遂飢。民未蘇。不宜導諛坐黜。

七年。夏。欽廉邕州飢。令常平使九年。江東西

浙東飢。米斗千錢。饒信州尤甚。令出常平粟以賑。十年。浙

東江南荐飢。人食草木。令戶部條賑路十一年。京

西淮南飢。令通商移粟。十五年。汀虔州以盜妨農。令縣賑

種粟貸十八年冬。浙東江淮郡國多飢。令諸道常平使者振粟。

紹興府大飢。民之仰哺于官者。二十八萬六千人。振

之不給。人食糟糠草木。殍死殆半。流民渡江至行都。

事上聞。令臨安府振遣復業。十九年。春夏。紹興府

飢。流如初。明婺州亦飢。令常平使二十四年。衢州

飢。二十八年。平江府飢。二十九年。紹興府荐飢。

皆發常平義廩以振。隆興元年。紹興府大飢。四川尤飢。民食

蕨根。平江襄陽府隨泗州棗陽盱眙大飢。隨棗間米

斗六七千。令有司皆振之粟。二年。平江府常秀州飢。華亭

縣人食糝糠。行都及鎮江府興化軍台徽州亦糝食。

皆令守臣及常平使者振之。淮民飢流江南者數十萬人。詔內郡移粟施

惠安集之。乾道元年春。行都平江鎮江紹興府湖常秀

州大飢。殍徙者不可勝計。州縣為糜食之。行都城外

為糜四十餘日。數萬人。是歲台明州江東諸郡皆飢。

令振之粟。夏亡麥。二年夏亡麥。三年九月不雨。麥種

不入。四年春。蜀邛綿劍漢州石泉軍大飢。邛為甚。

盜延八郡。漢飢民至九萬人。內出宸翰賜制置使汪應辰講行荒政賜僧牒

助之四百。五年夏。饒信州荐飢。民多流徙。徽州大飢。人食

蕨葛。台楚州盱眙軍亦飢。令郡守部使者發廩移粟勸分。秋冬不雨。

淮郡麥種不入。六年冬。寧國府廣德軍太平温湖

秀池徽和州皆飢。令漕江西廣。七年秋。江東西湖

南十餘郡飢。江筠州隆興府為甚。人食草實。流徙淮

甸。發廩賑之。不給詔立勸分賞格。內出。淮郡亦荐飢。金

虜謀知。運麥於淮北岸。易南岸銅錘。斗錢八十。江西

飢民流光濠安豐間。皆效淮人私糶。淮錘為耗。荆南

亦艱食。宣撫使下。八年。江西亡麥。隆興府荐飢。南

昌新建縣飢。民仰給者二萬八千餘人。先是去歲秋

諸路師漕臣勸課。九年春。成都永康邛三州飢。秋。二麥官借種糧

台州飢。發江西米數

温婺州亦飢。令各郡賑粟禁遏

盡發常平粟截上供賦以賑令帥漕臣申勸種麥

淳熙元年浙東湖廣西

江西蜀關外皆飢台處柳柱昭賀尤甚令賑以常平義廩江西一

道至六十二萬斛二年淮東西江東飢滁真揚州盱眙軍

建康府為甚詔賑以常平米池賦通商貨種糧勸布麥立勸分賞格是歲鎮江

寧國府常州廣德軍亦躉食皆賑三年淮甸飢夏

台州亡麥冬復施隨郢州荆門軍襄陽江陵德安府

大飢四年春尤飢令發屯田粟二萬六千五百餘石以賑六年冬

和州飢泰通楚州高郵軍大飢人食草木皆賑七年

年鎮江府台州無為廣德軍民大飢令出常平米賑

于越歲之春是歲江浙荆湘淮郡皆飢或一蠲賦予粟

萬石五年八年春江州飢人採葛而食臣詔罷守冬行都

寧國建康府嚴婺太平州廣德軍飢徽饒州流徙入

淮郡者萬餘人令兩淮漕臣抄田江東帥漕臣賑粟

麥遣使分行兩浙江東淮南路賑贍安集之令江浙

湖北行勸分賞格已亥浙東常平使者朱熹進對論

荒政請粟勸分及蠲日賦身丁錢上嘉納之十九

年春大亡麥行都飢於潜昌化縣人食草木出豐儲倉米萬

石令尹臣為糜以食之飢民之就食者浙西湖州浙

東紹興府衢婺嚴明台州飢徽州大飢種稜亦絕令

平使者湖北七郡荐飢令帥臣蜀潼利夔三路郡國

十八皆飢流徙者數千人臣令饗漕守十年合昌州

荐飢令饗漕臣恭州飢民就賑相踐死者三十餘人

十一年。泉汀漳州興化軍亡禾。邕賓象州飢令帥臣

種十二年。福建飢亡麥。江西廣東西飢皆令帥臣金

州飢有流徙者令郡十四年。金洋階成鳳西和州

人之食令漕臣七月。秀州飢有流徙者詔出粟二

賑恤臨安府九縣飢萬人發廩二十十六年。夏成州

亡麥。冬階成鳳西和州荐飢令饗臣上篤意民事勸課

農桑官中親蚕後苑種稼藝麥以驗歲功間取民間

繭麥觀之或繭薄穗短則慊然為農婦不滿脩圩浚

渠廣勸穗麥遇水旱之變則發廩予財蠲賦已責移

粟勸分郡國殿最視荒救為升點一時吏治篤厚風

俗趨本奏對者多言農田水利方守血食之神非順

成不加封爵歲雖小儉莫不疾呼于上發粟往甬

以民康自見故荒政靡歲不聞然家給人足行都米

斗五六十錢江淮襄粒米狼戾蜀楚斤至十餘錢

民物阜樂庶幾小康夫豈一日之積哉趙雄嘗奏得

南康守臣朱熹書言荒政之行民戴之恩凶年化為

樂歲上曰陳峴亦奏蜀雨暘時若民俗熙恬農事天

下大本朕未嘗不念邇官士大夫方知以農事為重

以虛浮為耻又曰朕不鬻爵以清入紹熙二年。斬

州飢令郡夔路五郡飢渝涪為甚令漕臣粟

尚數階成鳳西和州亡麥。三年。資榮州亡麥。普叙

簡隆州富順監皆大飢亡麥。殍者甚衆。流民聚成都

府至千餘人。威遠縣棄兒且六百人。為糜以食飢民

八萬餘人。多不能活詔出楊州亦飢令出粟十

四年。簡資普州飢。綿州亡麥均賑夏紹興府亡麥

安豐軍大亡麥。五年冬。亡麥苗。行都淮浙西東江

東郡國皆飢。常明州寧國鎮江府廬滁和州為甚。人

食草木。詔出帑廩。鬻僧牒。益以漕計。縣之。或一郡至五萬緡。石不給。航廣粟以績之。令憲漕常平。

使者所部。勸分免賦。通商禁遏。糴收棄兒。慶元元年春。常州飢。民之死

徙者衆。楚州飢。人食糟粕。淮浙流民多聚于行都。上念

郡國賑恤未至。詔部使者守令謹行。荒政收捕遺幼免臨安紹興慶元鎮江府常湖秀州江陰軍夏賦而賑之。

三年。浙東郡國亡麥。台州大亡麥。民飢多殍。

襄蜀亦飢。四年秋。浙東西荐飢。多道殣。六年冬。

常州大飢。仰哺者六十萬人。潤楊楚通泰州建康府

江陰軍亦乏食。皆令守令賑之。嘉泰元年。浙西郡國荐飢。

常州鎮江嘉興府為甚。皆令常平使者賑之。二年。四川飢。廣

安懷安軍潼川府大亡麥。出川緡八十萬。衡郴州武

岡桂陽軍乏食。三年春。邵永州大飢。死徙者衆。民

多剽盜。令常平使夏行都。出豐儲倉米。十萬石以賑。四年

春。撫袁州隆興府臨江軍大飢。殍死者不可勝瘞。有

舉家二十七人同赴溺者。令郡發常平廩賑之。開

禧二年。紹興府衢婺州亡麥。湖北京西淮東西郡國

飢。民聚為剽盜。分命宣諭。南康大安軍忠涪州皆飢

令部使者及守臣賑粟。嘉定元年。淮南大飢。人食草木。流徙

江浙者百萬人。先是開禧開邊。淮郡殘於兵火。農久

失業。米斗二千。殍死者十三四。炮人肉馬矢中以食。

詔所至郡國賑恤歸業。時邦儲亦匱。郡計不支。去者

多死。亦有為濠豐餘虜俘掠而北者。是歲行都亦飢。

米斗千錢。詔發廩廣糴賑糶勸分 二年春。兩淮荆襄建康府

大飢。米斗錢數千。人食草木。淮民剗道殣。食盡發瘞

斷繼之人相搯噬。流徙之聚於揚州者數千家。渡江

者聚建康。殍死日八九十人。詔發廩賑施皆十萬餘石。令州郡置粥院為糜

以活。是秋諸路復大歉。常潤尤甚。冬。行都大飢。殍者

橫市。道多棄兒。十一月甲戌。令發粟賑施盡其月 三年春。建康府

大飢。人相食。五月。衢州飢。頗聚為剽盜。守臣孫子直平之。勸分以

賑 七年。台州大亡麥。八年。淮浙江東西飢。都昌

縣飢。民聚為盜者三十六黨。自秋至于明年夏。縣官出錢三百三十三萬緡

粟四萬石以賑 九年。行都飢。閭巷有殍。令賑粟五萬石以賑 十

年。台衢婺饒信州飢。多聚為剽盜。台為甚。蜀石泉軍

飢。殍死殆萬人。皆令郡賑之 十一年秋。淮浙江東飢。僅

無麥苗。十二年春。潼川府飢而不害。十三年春。

福州飢。人食草根。令郡賑之 十六年春。海州新附山東

民飢。令海州賑之 京東河北路新附山西民亦飢。令楚州賑之。粟

皆萬石 湖南永道州大飢。令帥臣移粟以賑 是歲行都江淮閩

浙郡國皆無麥禾。十七年春。餘杭錢塘仁和三縣

飢令帥臣鎮江府飢郡為糜以賑者日千餘人真鄂

州亦乏食令通商

地震

史紀周幽王二年周三川皆震應劭曰震地三川涇

渭洛也將壅塞非地震也劉向以為金木水火沴土

者也伯陽甫曰周服虔曰周將亡矣天地之氣不過其

序若過其序民亂之也陽伏而不能出陰迫而不能

升陽應劭曰迫陰也於是地震今三川實震是陽失

其所而填陰也所填邵曰失其所失其道也填陰為陰

使失而在陰原必塞水師古曰原謂原塞國必亡夫水

上演而民用也土應劭曰演引也所以引出土無所演

而民乏財用不亡何待昔伊維竭而夏亡河竭而商

亡今周德如二代之季其原又塞塞必竭川竭山必

崩夫國必依山川山崩川竭亡之徵也若國亡不過

十年數之紀也是歲三川竭岐山崩劉向以為陽失

在陰者謂火氣來煎枯水故川竭也山川連體下竭

上崩事執然也時幽王暴虐妄誅伐不聽諫迷於褒

姒廢其正后師古曰褒姒褒人所獻之女也廢后之

父申侯與犬戎共攻殺幽王一曰其在天文水為辰

星辰星為蠻夷月食辰星國以女亡幽王之敗女亂

其內夷攻其外。京房易傳曰：君臣相背，厥異名水絕。有名之水。文公九年九月癸酉地震。劉向以為先是齊

桓、晉、文、魯、僖二伯賢君新沒，周襄王失道，楚穆王弑父，諸侯皆不肖，權傾於下。天戒若曰：臣下強盛者將動為害。後宋、魯、晉、莒、鄭、陳、齊皆弑君，諸震畧皆從董仲舒也。京房易傳曰：臣事雖正，專必震。其震於水則波於木，則搖於屋，則瓦落。大經在辟而易臣。茲謂陰助。服虔曰：經常也。辟音刑。辟之辟，蘇林曰：大經五行之常經也。在辟，衆陰犯殺其上。也。師古曰：辟讀曰僻。謂常法僻也。厥震搖政宮。大經搖政。茲謂不陰。厥震搖山。山出涌水。嗣子無德，專祿。茲謂不順。厥震動丘

陵涌水出。襄公十六年五月甲子地震。劉向以為先是鷄澤之會，諸侯盟。大夫又盟。是歲三月，諸侯為漢梁之會，而大夫獨相與盟。五月地震矣。其後崔氏專齊，欒盈亂晉，良霄傾鄭，閻殺吳子，燕逐其君，楚滅陳蔡。昭公十九年五月己卯地震。劉向以為是時季氏將有逐君之變。其後宋三臣曹會皆以地叛。蔡莒逐其君。吳敗中國，殺二君。二十三年八月乙未地震。劉向以為是時周景王崩，劉單立王子猛，尹氏立子朝。其後季氏逐昭公，黑肱叛邾，吳殺其君僚。宋五大夫，晉二大夫皆以地叛。哀公三年四月甲午

地震。劉向以為是時諸侯皆信邪臣，莫能用仲尼盜殺齊侯，齊陳乞弑君。真定王三年，晉空桐震。七日臺舍皆壞，人多死。

秦始皇十五年，地動。十七年，地動。自樂徐以西至平陰臺，屋墻垣大半壞。

漢惠帝二年，正月，地震隴西。厭音一甲反四百餘家。文

帝五年，二月，地震。景帝後元年，五月，地震。武帝

元光四年，五月，地震。征和震，厭殺人。後元元年，秋

七月，地震。宣帝本始四年，四月，壬寅，地震。河南以

東四十九郡，北海琅邪。二年，八月，地震。壞祖宗廟

城郭，殺六千餘人。地節二年，九月，壬申，地震。元

帝初元二年，二月，戊午，地震。隴西郡毀落太上皇廟

殿，壁木飾壞，敗城郭宮寺及民室，廬壓殺人衆。建

始三年，地震。永光三年冬，地震。綏和二年，九月

丙辰，地震。自京師至北邊郡國三十餘，壞城郭，凡殺

四百一十五人。王莽天鳳三年，二月，乙酉，地震。

後漢世祖建武二十二年，九月，郡國四十二，地震。南

陽尤甚，地裂壓殺人。其後武谿蠻夷反為寇害，至南

郡發荊州諸郡兵，遣武威將軍劉尚擊之，為夷所圍。

復發兵赴之，尚遂為所沒。章帝建初元年，三月，甲

中山陽東平地地震。和帝永元四年六月丙辰郡國十三地震。春秋漢高攀曰。女王盛臣制命。則地動圻畔。震起山崩。淪是時竇太后攝政。兄竇憲專權。將以是受禍也。後五日。詔收憲印綬。兄弟就國。逼迫皆自殺。五年二月戊午。隴西地震。先儒說民安土者也。將大動行大震。九月匈奴單于於除難。韃叛。遣使發邊郡兵討之。七年九月癸卯。京都震。儒說奄官無陽施。猶婦人也。是時和帝與中常侍鄭衆謀奪竇氏權。德之。因任用之。及幸常侍蔡倫二人。始並用權。九年三月庚辰。隴西地震。閏月塞外羗犯塞。殺畧吏。

民使征西將軍劉尚擊之。安帝永初元年郡國十八地震。李固曰。地者陰也。法當安靜。今乃越陰之職。專陽之政。故應以震動。是時鄧太后攝政。專事。訖建光中。太后崩。安帝乃得制政。於是陰類並勝。西羗亂。夏連十餘年。二年郡國十二地震。三年十二月辛酉。郡國九地震。四年三月癸巳。郡國四地震。五年正月丙戌。郡國十地震。七年正月壬寅。二月丙午。郡國十八地震。元初元年。郡國十五地震。二年十一月庚申。郡國十地震。三年二月。郡國十地震。十一月癸卯。郡國九地震。四年。郡國十三地

震。五年。郡國十四地震。六年。二月乙巳。京都郡國四十二地震。或地拆裂。涌水。壞敗城郭民室屋壓人。冬。郡國八地震。永寧元年。郡國二十三地震。建光元年。九月己丑。郡國三十五地震。或地拆裂。壞城郭室屋。壓殺人。是時安帝不能明察。信官人及阿母聖等。譏云。破壞鄧太后家。於是專聽信聖及官者。中常侍江京。樊豐等。皆得用權。延光元年。七月癸卯。京都郡國十三地震。三月戊申。郡國二十七地震。二年。京都郡國三十二地震。三年。京都郡國二十三地震。是時以譏免太尉楊震。廢太子。四年。

十月丁巳。京都郡國十六地震。時安帝既崩。閻太后攝政。弟兄閻顯等並用事。遂斥安帝子。更徵諸國王。子未至。中黃門遂誅顯兄弟。順帝永建三年。正月丙子。京都漢陽地震。漢陽屋壞殺人。地坼涌水出。是時順帝阿母宋娥及中常侍張昉等用權。陽嘉二年。四月己亥。京都地震。是時爵號宋娥為山陽君。四年。十二月甲寅。京都地震。永和二年。四月庚申。京都地震。是時宋娥構姦誣罔。五月事覺。收印綬歸田里。十一月丁卯。京都地震。是時太尉王龔。以中常侍張昉等專弄國權。欲奏誅之。時龔宗親有以楊震

行事諫之。止云。三年。二月乙亥。京都金城隴西地震。裂城郭室屋多壞。壓殺人。閏月己酉。京都地震。十月。西羌二千餘騎入金城塞。為涼州害。四年。三月乙亥。京都地震。五年。二月戊申。京都地震。建康元年。正月。涼州都郡六地震。從去年九月以來。至四月。凡百八十日。震山谷圻裂。壞敗城寺。傷害人物。三月。護羌校尉趙冲為叛胡所殺。九月丙午。京都地震。是時順帝崩。梁太后攝政。欲為順帝作陵。制度奢廣。多壞吏民冢。尚書欒巴諫事。太后怒。癸卯。詔書收巴下獄。欲殺之。丙午地震。於是太后乃出巴。免為庶人。

桓帝建和元年。四月庚寅。京都地震。九月丁卯。京都地震。是時梁太后攝政。兄冀持權。至和平元年。太后崩。然冀猶秉政專事。至延熹二年。乃誅滅。三年。九月己卯。地震。庚寅又震。元嘉元年十一月辛巳。京都地震。二年。正月丙辰。京都地震。十月乙亥。京都地震。永興二年。二月癸卯。京都地震。永壽二年。十二月。京都地震。延熹四年。京都右扶風涼州地震。五年。五月乙亥。京都地震。是時桓帝與中常侍單超等謀誅除梁冀。聽之。並使用事專權。又鄧后本小人性行無常。苟有顏色。立以為后。後卒坐

執左道廢以憂死。八年九月丁未。京都地震。靈
帝建寧四年二月癸卯地震。是時中常侍曹節王甫
等皆專權。熹平二年六月地震。六年十月辛丑
地震。光和元年二月辛未地震。四月丙辰地震。
靈帝時宦者專恣。二年三月京兆地震。三年自
秋至明年春酒泉表氏地八十餘動。涌水出。城中官
寺民舍皆傾。縣易處更築城郭。獻帝初平二年六
月丙戌地震。興平元年六月丁丑地震。後主炎
興二年蜀地震。時宦人黃皓專權。按司馬彪說閹宦
無陽施猶婦人也。皓見任之。應與漢和帝時同事也。

是冬蜀亡

魏明帝青龍二年十一月。京都地震。從東來。隱隱有
聲。搖屋瓦。景初元年六月戊申。京都地震。是秋吳
將朱然圍江夏。荊州刺史胡質擊退之。又公孫淵判
自立為燕王。改元置百官。明年討平之。
齊王正始二年十一月。南安郡地震。三年七月甲
申。南安郡地震。十二月。魏郡地震。六年二月丁
卯。南安郡地震。時曹爽專政。遷太后于永寧宮。后與
帝泣別。連年地震。是其應也。

吳孫權黃武四年。江東地連震。時權受魏爵。命為

大將軍吳王。而改元專制。不脩臣迹。京房易傳曰。臣事雖正。專必震。劉向云。臣下強盛。將動而為害之應也。

嘉禾六年五月。江東地震。赤烏二年正月。地再

震。時呂一專事。步騭上疏。以為臣下專政之應。

赤烏十一年二月。江東地仍震。時權聽讒。尋黜朱

據廢太子。

晉武帝泰始五年四月辛酉地震。是年冬。新平氏羌

叛。明年孫皓遣大衆入渦音口。七年六月景申地

震。咸寧二年八月庚辰。河南河東平陽地震。四

年六月丁未。陰平廣武地震。甲子又震。太康二年

二月庚申。淮南丹陽地震。五年三月朔壬辰。京師

地震。六年七月己丑地震。七年七月。南安捷其

反為地震。八月。京兆地震。八年五月壬子。建安地

震。七月。陰平地震。八月。丹陽地震。九年正月。會稽

丹陽吳興地震。四月辛酉。長沙南海等郡國八地震。

七月。至于八月。地又四震。其三有聲如雷。九月。臨賀

地震。十二月。又震。十年十二月己亥。丹陽地震。

太熙元年正月。地又震。武帝世始於賈充。終於楊駿。

阿黨昧利。苟竊朝權。至於末年。所任轉弊。故頻年地

震過其序也。終喪天下。惠帝元康元年十二月辛酉。京師地震。此夏賈后使楚王瑋殺汝南王亮及太保衛瓘。此陰道盛陽道微故也。四年二月。上谷上庸遼東地震。五月。蜀郡山移。淮南壽春洪水出。山崩地陷。壞城府。八月。上谷地震。水出。殺百餘人。十月。京都地震。十一月。滎陽襄城。汝陰梁國南陽地皆震。十二月。京都又震。是時賈后亂朝。終至禍敗之應也。漢鄧太后攝政。時郡國地震。李固以為地陰也。法當安靜。今乃越陰之職。專陽之政。故應以政。此同事也。京房易傳曰。小人剝廬。厥妖山崩。茲謂陰乘陽。弱勝彊。

又曰。陰背陽則地裂。父子分離。夷羌叛去。元康五年。五月丁丑地震。六月。金城地震。六年。正月丁丑地震。八年。正月庚辰地震。太安元年。十二月地震。時齊王冏專政之應也。二年。十二月庚辰地震。是時長沙王又專政之應也。孝懷帝永嘉三年。十月。荆襄二州地震。時司馬越專政。四年。四月。兗州地震。五月。石勒寇汲郡。執太守胡寵。遂南濟沔。是其應也。愍帝建興二年。四月甲辰地震。三年。六月丁卯。長安又震。是時主幼。權傾於下。四方雲擾。兵亂不息之應也。元帝太興元年。四月。西平地震。湧出水。

十二月。廬陵豫章武昌西陵地震。涌水出。山崩于寶
以為王敦陵上之應也。二年。五月己丑。祁山地震。
山崩殺人。是時相國南陽王保在祁山稱晉王。不終
之象也。三年。四月庚寅。丹陽吳郡晉陵又地震。
成帝咸和二年。二月。江陵地震。三月。益州地震。四月
己未。豫州地震。是年蘇峻作亂。九年。三月丁酉。會
稽地震。穆帝永和元年。六月癸亥地震。是時嗣主
幼冲。母后稱制。政在臣下。所以連年地震。二年。十
二月地震。三年。正月庚辰地震。九月又地震。
四年。十月己未地震。五年。正月庚寅地震。是時石

季龍僭即皇帝位。亦過其序也。九年。八月丁酉。京

都地震。有聲如雷。十年。正月丁卯地震。聲如雷。鷄

雉皆鳴响。呼后反十一年。四月乙酉地震。五月丁

未地震。升平二年。十一月辛酉地震。五年。八月。

涼州地震。哀帝隆和元年。四月甲戌地震。是時政

在將相。人主南面而已。興寧元年。四月甲戌。揚州

地震。湖瀆溢。二年。三月庚寅。江陵地震。是時桓温

專政。海西公太和元年。二月。涼州地震。水涌。是海

西將廢之應也。簡文帝咸安二年。十月辛未。安成

地震。是年帝崩。孝武帝寧康元年。十月辛未。地震

二年。二月丁巳地震。七月甲午。涼州地又震。山崩。是時嗣主幼冲。權在將相。陰盛之應也。太元二年。閏三月壬午地震。五月丁丑地震。十一年。六月己卯地震。是後緣河諸將。連歲兵役。人勞之應也。十五年。三月己酉朔夜地震。八月。京都地震。十月。二月己未地震。十七年。六月癸卯地震。十二月己未。地又震。是時群小弄權。天下側目。十八年。正月癸亥朔地震。二月乙未夜地震。安帝隆安四年。四月乙未地震。九月癸丑地震。是時幼主冲昧。政在臣下。義熙四年。正月壬子夜地震。有聲。十

月癸亥地震。五年。正月戊戌夜。尋陽地震。有聲如雷。明年。盧循下。八年。自正月至四月。南康廬陵地四震。明年。王旅西討荆益。十年。三月戊寅地震。宋武帝永初元年。秋。七月己巳地震。文帝元嘉十二年。夏。四月。都下地震。十五年。七月辛未地震。孝武大明二年。四月辛丑地震。六年。七月甲申地震。有聲如雷。兗州尤甚。魯郡山搖者二。後廢帝元徽五年。五月地震。齊東昏侯永元元年。七月地震。至來歲晝夜不止。小屋多壞。

梁武帝天監五年。十二月。京師地震。京房易飛候曰。地動以下十一月者。其邑飢亡。時交州刺史李凱反。明年霜。歲儉人飢。普通三年。正月。建康地震。時義州刺史文僧朗以州叛。六年。十二月。地震。京房易飛候曰。地冬動有音。以十二月者。其邑有行兵。是時帝令豫章王琮將兵北伐。建中大通五年。正月。建康地震。京房易飛候曰。地以春動。歲不昌。是歲大水。百姓飢饉。大同三年。十一月。建康地震。京房飛候曰。地震以十一月。邑有大喪及飢亡。明年霜。為災。百姓饑。三年。十月。建康地震。是歲會稽山賊起。七年。二

月。建康地震。是歲交州人李賁舉兵逐刺史蕭諮。元年。閏正月。地震。李賁自稱皇帝。署置百官。太清三年。四月。建康地再震。時侯景自為大丞相。錄尚書事。帝所須不給。是月以憂憤崩。

陳永定二年。五月。建康地震。時王琳立蕭莊於郢州。太建四年。十一月。地震。陳實應反閩中。禎明元年。正月。地震。施文慶。沈客卿專恣之應也。

後齊河清二年。并州地震。和士開專恣之應。後周建德二年。涼州地頻震。城郭多壞。時羌夷叛。隨文帝開皇十四年。五月。京師地震。京房易飛候曰。

地動。以夏五月。人流亡。是歲關中饑。百姓就糧於關東。二十年十一月戊子。立晉王廣為皇太子。是日天下地震。仁壽二年四月。岐雍地震。易飛候曰。震以四月。五穀不熟。人大饑。

唐武德二年十月乙未。京師地震。陰盛而反常。則地震。故其占為臣強。為后妃專恣。為夷犯華。為小人道長。為寇至。為叛臣。七年七月。雋州地震。山摧壅。江水噎流。貞觀七年十月乙丑。京師地震。十二年正月壬寅。松叢二州地震。壞廬舍。二十年九月辛亥。靈州地震。有聲如雷。二十三年八月癸酉朔。河

東地震。晉州尤甚。壓殺五十餘人。乙亥。又震。十一月乙丑。又震。永徽元年四月己巳朔。晉州地震。己卯。又震。六月庚辰。又震。有聲如雷。二年十月。又震。十一月戊寅。定襄地震。帝始封晉王。初即位。而地屢震。天下將由帝而動。搖象也。儀鳳二年三月庚辰。京師地震。永淳元年十月甲子。京師地震。垂拱三年十月乙亥。京師地震。四年七月戊午。又震。八月戊戌。神都地震。延載元年四月壬戌。常州地震。大足元年七月乙亥。揚楚常潤蘇五州地震。二年八月辛亥。劔南六州地震。景龍四年五月丁

丑。剡縣地震。景雲三年。正月甲戌。并汾絳三州地震。壞廬舍。壓死百餘人。開元二十二年。二月壬寅。秦州地震。西北隱隱有聲。折而復合。經時不止。壞廬舍。殆盡。壓死四千餘人。二十六年。三月癸巳。京師地震。至德元載。十一月辛亥朔。河西地震。裂有聲。陷廬舍。張掖酒泉尤甚。至二載。三月癸亥。乃止。大曆二年。十一月壬申。京師地震。自東北來。有聲如雷者三。三年。五月丙戌。又震。十二年。恒定二州地大震。三日乃止。東鹿寧晉地裂數丈。沙石隨水流出平地。壞廬舍。壓死數百人。建中元年。四月己亥。京

師地震。三年。六月甲子。又震。四年。四月甲子。又震。五月辛巳。又震。貞元二年。五月己酉。又震。三年。十一月丁丑夜。京師東都蒲陝地震。四年。正月庚戌朔夜。京師地震。辛亥。壬子。丁卯。戊辰。庚午。癸酉。甲戌。乙亥。皆震。金房二州尤甚。江溢山裂。屋宇多壞。人皆露處。二月壬午。京師又震。甲申。乙酉。丙申。三月甲寅。己未。庚午。辛未。五月丙寅。丁卯。皆震。八年。甲午。又震。有聲如雷。甲辰。又震。九年。四月辛酉。又震。有聲如雷。河中關輔尤甚。壞城壁廬舍。地裂水涌。十年。四月戊申。京師地震。癸丑。又震。侍中渾瑊

第有樹湧出。樹枝皆載蚯蚓。十三年七月乙未。又震。元和七年八月。京師地震。草樹皆搖。九年三月丙辰。雋州地震。晝夜八十。壓死百餘人。地陷者三十里。十年十月。京師地震。十一年二月丁丑。又震。十五年正月。穆宗即位。戊辰。始朝群臣於宣政殿。是夜地震。大和二年正月壬申。地震。七年六月甲戌。又震。九年三月乙卯。京師地震。屋瓦皆墜。戶牖間有聲。開成元年二月乙亥。又震。二年十一月乙丑。夜。又震。四年十一月甲戌。又震。會昌二年正月癸亥。宋亳二州地震。十二月癸未。京師

地震。大中三年十月辛巳。上都及振武河西天德靈武塩夏等州地震。壞廬舍。壓死數十人。十二年八月丁巳。太原地震。咸通元年五月。上都地震。六年十二月。晉絳二州地震。壞廬舍。地裂泉湧。泥出青色。八年正月丁未。河中晉絳三州地大震。壞廬舍。人有死者。十三年四月庚子朔。浙東西地震。乾符三年六月乙丑。雄州地震。至七月辛巳止。州城廬舍盡壞。地陷水涌。傷死甚衆。是月濮州地震。十二月。京師地震。有聲。四年六月庚寅。雄州地震。六年二月。京師地震。有聲如雷。藍田山裂水涌。中和

三年秋。晉州地震。有聲如雷。光啓二年春。城都地震。月中十數。占曰。兵饑。十二月。魏州地震。乾寧二年。三月庚午。河東地震。

宋乾德三年。京師地震。至道二年。十月。潼關西至靈夏環慶等州地震。郭廬舍多壞。占云。兵饑。是時西戎寇靈州。明年遣將率兵援糧以救之。關西民有饑殍者。咸平二年。九月。常州地震。壞鼓角樓羅務軍民廬舍甚衆。四年。九月。慶州地震。者再。六年。正月。益州地震。景德元年。正月丙申夜。京師地震。癸卯夜復震。丁未夜又震。屋宇皆動。有聲。移時方止。癸

丑。冀州地震。占主土工興。有急令。兵革興。是年契丹犯塞。二月。益黎雅州地震。三月。邢州地震。不止。四月。己卯夜。瀛州地震。五月。邢州地復震不止。十一月。壬子。日南至。京師地震。癸丑。石州地震。四年。七月。丙戌。益州地震。己丑。渭州瓦亭寨地震。者四。大中祥符二年。三月。代州地震。四年。六月。昌眉州並地震。七月。真定府震。壞城壘。天聖五年。三月。戊辰。秦州地震。七年。十月。丙午。京師地震。景祐四年。十二月。甲申。忻代并三州地震。壞廬舍。覆壓吏民。忻州死者萬九千七百四十二人。傷者五千六百五十五。

人畜死者五萬餘。代州死者七百五十九人。并州千八百九十人。寶元元年正月庚申。并忻代州地震。十一月忻州地震。十二月甲子。京師地震。慶曆三年五月乙亥。忻州地大震。說者曰。地道貴靜。今數震搖。兵興民勞之象也。五月庚午。忻州地震。西北有聲如雷。五年七月丁酉。廣州地震。己卯。京南岳州並地震。六年二月戊寅。青州地震。三月庚寅。登州地震。岬嶼山摧。自是震不已。每震即海底有聲如雷。五月甲申。京師地震。七年十月乙丑。河陽許州地震。二年十一月丁酉夜。秀州地震。有聲自

西北起如雷。嘉祐二年。雄霸等州地震。五年五月己丑。京師地震。治平四年秋。漳泉建州邵武興化軍等處皆地震。潮州尤甚。地裂泉涌。壓覆州郭及兩縣屋宇。土民軍兵死者甚衆。八月己巳。京師地震。熙寧元年七月甲申。地震。乙酉辛卯。再震。八月壬寅甲辰。又震。是月鄆州須城東阿二縣地震。終日。滄州清池莫州亦震。壞官私廬舍城壁。是時河北復大震。或數刻不止。有聲如雷。樓櫓民居多摧覆。壓死者甚衆。九月戊子。莫州地震。有聲如雷。十一月乙未。京師及莫州地震。十二月癸卯。瀛州地大

文獻通考卷三百一
三十一
震。丁巳。冀州地震。辛酉。滄州地震。涌出沙泥船
板。胡桃螺蚌甲之屬。十二月。潮州地再震。是歲數路
地震。有一日十數震。有踰半年震不止者。元豐八
年。五月。京師地震。元祐二年。二月。辛亥。代州地震
有聲。四年。春。陝西河北震。七年。九月。巳酉。蘭州
鎮戎軍永興軍言地震。十月。庚戌。朔。環州地再震。
紹聖元年。十一月。丙寅。太原府地震。二年。十月。十
一月。河南府地震。是歲。蘇州自夏迄秋地震。三年。
三月。戊戌夜。劔南東川地震。九月。巳酉。滁州沂州
地震。四年。六月。巳酉。太原府地震。有聲。元符元

年。七月。壬申夜。雲霧蔽天地。地震良久。三年。正月。壬申。
恩州地震。八月。甲戌。太原府地震。三年。五月。巳
巳。太原府又震。建中靖國元年。十二月。辛亥。太原
府潞晉隰代石嵐等州。岢嵐威勝保化寧化軍地震。
彌旬。晝夜不止。壞城壁屋宇。人畜多死。宣和四年。
北方用兵。雄州地大震。六年。正月。京師連日再地
震。宮殿門皆動。有聲。建炎二年。正月。戊戌。長安地
大震。金虜將婁宿圍城。彌旬。無外援。虜兵乘地震而
入。城遂陷。紹興三年。八月。甲申。地震。平江府湖州
尤甚。甲辰詔罪已求直言是歲。逆豫陷鄧隨等州。金虜犯蜀。臣

犯君夷犯華之應也。六年六月乙巳夜地震有聲。自西北如雷。餘杭縣為甚。詔罪已求直言是冬偽齊劉麟猊犯順。寇濠壽州。後四年虜酋兀朮入寇。二十四年正月戊寅地震。二十五年三月壬申又震。二十八年八月甲寅地夜震。三十一年三月壬辰又震。三十二年七月戊申又震。隆興元年十月丁丑地震。六月甲寅又震。是歲宰臣湯思退擅徹海泗唐鄧之戍。虜乘邊虛入寇。後思退貶死。此臣專必震。又兵後人勞之應也。乾道二年九月丙午地震自西北方。是月台州有海寇。四年十二月壬子石泉軍地震三日。有聲如雷。屋瓦皆落。時郡有綿州寃獄云。淳熙元年十二月戊辰地震自東北方。後湖南江西茶寇擾數路。九年十二月壬寅地夜震。十年十二月丙寅又震。十二年五月庚寅又震。慶元六年十一月甲子地震東北方。嘉定六年四月行都地震。六月丙子嚴州淳安縣地震。十年二月庚申地震自東南。越月虜犯光州。十四年正月乙未地夜震大雷。是春金虜入寇。斬黃州失守。

文獻通考卷三百一

文獻通考卷三百二

鄱陽 馬端臨 貴與 著

物異考

山崩 地陷 地移 地長 川竭

春秋釐公十四年秋八月辛卯沙麓崩穀梁傳曰林

屬於山曰麓師古曰屬聯也音之欲反沙其名也劉向以為臣下

背叛散落不事上之象也先是齊桓行伯道會諸侯

師古曰伯讀曰霸其下亦同事周室管仲既死桓德日衰天戒若

曰伯道將廢諸侯散落政迫大夫陪臣執命臣下不

事上矣桓公不寤天子蔽晦師古曰被掩蔽而暗也及齊桓死

天下散而從楚王札子。殺二大夫。師古曰二大夫晉

敗天子之師。師古曰謂敗之於貿莫能征討。從是陵

遲。公羊以為沙楚河上邑也。董仲舒說略同。一曰河

大川。象齊大國。桓德衰。伯道將移於晉文。故河為徙

也。左氏以為沙麓晉地。沙山名也。地震而麓崩。不書

震。舉重者也。伯陽甫所謂國必依山川。山崩川竭。亡

之徵也。不過十年。數之紀也。至二十四年。晉懷公殺

於高梁。師古曰懷公誣子圍惠公之子也京房易傳

曰。小人剥廬。師古曰剥卦厥妖山崩。茲謂陰乘陽弱。

勝強。成公五年。夏。梁山崩。穀梁傳曰。靡河三日不

流。師古曰靡晉君帥群臣而哭之。廼流。師古曰從伯

言。劉向以為山陽君也。水陰民也。天戒若曰。君道崩

壞。下亂。百姓將失其所矣。哭然後流。喪亡象也。梁山

在晉地。自晉始。而及天下也。後晉暴三卿。厲公以殺

董仲舒說略同。劉歆以為梁山。晉望也。崩。施崩也。古

者三代命祀。祭不越望。吉凶禍福。不是過也。國主山

川。山崩川竭。亡之徵也。美惡周必復。是歲之在鶉火。

至十七年。復在鶉火。樂書中行偃弒厲公而立悼公。威烈王十三年。晉河岸崩。壅龍門至于底柱。漢高后二年。正月。武都山崩。殺七百六十人。地震。至

八月迺止。文帝二年。四月。齊楚地山二十九所。同日俱大發水潰出。劉向以為近水沴土也。天戒若曰。勿盛齊楚之君。今失制度。將為亂。後十六年。帝庶兄齊悼惠王之孫文王則薨。無子。帝分齊地。立悼惠王庶子六人。皆為主。師古曰。謂齊孝王將閭。濟北王志畜。川王賢。膠東王雄。渠膠。西王卯。濟南王辟。賈誼。晁錯。諫以為違古制。恐為亂。至景帝三年。齊楚七國起兵百餘萬。漢皆破之。春秋四國同日災。師古曰。宋。衛。陳。鄭。漢七國同日衆山潰。咸被其害。不曰天威之明效也。成帝河平三年。二月丙戌。犍為柏江山崩。捐江山崩。皆靡江水。師古曰。靡。讀曰。雍。次下亦同。江水逆流。壞

城。殺十三人。地震。積二十一日。百二十四動。元延三年。正月丙寅。蜀郡岷山崩。靡江水。水逆流。三日迺通。劉向以為周時岐山崩。三川竭。而幽王亡。岐山者。周所興也。漢家本起於蜀。漢今所起之地。山崩川竭。星孛。又及攝提。大角從參至辰。如淳曰。孛。星尾長。及攝提。大角。始發於參。至辰也。殆必已矣。其後三世亡嗣。王莽篡位。王莽天鳳三年。長平館西岸崩。邕涇水不流。毀而北行。

後漢和帝永元元年。七月。會稽南山崩。會稽南方大名山也。京房易傳曰。山崩。陰乘陽。弱勝強也。劉向以

為山陽君也。水陰民也。君道崩壞。百姓失所也。劉歆以為崩猶弛也。是時竇太后攝政。兄竇憲專權。七年七月。趙國易陽地裂。京房易傳曰。地裂者。臣下分離。不肯相從也。是時南單于衆乖離。漢軍追討。十二年。夏。四月。戊辰。南郡秣歸山。高四百丈。崩。填谿。殺百餘人。明年冬。至蠻夷反。遣使募荊州吏民萬餘人擊之。元興元年。五月。癸酉。右扶風雍地裂。是後西羌大寇涼州。殤帝延平元年。五月。壬辰。河東恒山崩。是時鄧太后專政。秋。八月。殤帝崩。安帝永初元年。六月。丁巳。河東楊地陷。東西百四十步。南北百二十步。

深三丈五尺。六年。六月。壬辰。豫章員谿原山崩。各六十三所。元初元年。三月。己卯。日南地坼。長百八十二里。其後三年。正月。蒼梧鬱林合浦盜賊群起。劫畧民吏。二年。六月。河南雒陽新城地裂。延光二年。七月。丹陽山崩。四十七所。三年。六月。庚午。巴郡閬中山崩。四年。十月。丙午。蜀郡越嶲山崩。殺四百餘人。丙午。天子會日也。是時閻太后攝政。其十一月。中。黃門孫程等。殺江京。立順帝。誅閻后兄弟。明年。閻后崩。順帝陽嘉二年。六月。丁丑。雒陽宣德亭地坼。長八十五丈。近郊地。時李固對策。以為陰類專恣。將

有分離之象。所以附郊城者事上帝示象以誡陛下也。是時宋娥及中常侍各用權分爭後。中常侍張達、蘧政與大將軍商爭權。為商作飛語欲陷之。桓帝建和三年四月。郡國六地裂。水湧出。并溢壞寺屋。殺人。時梁太后攝政。兄冀枉殺李固、杜喬。三年。郡國五山崩。和平元年七月。廣漢梓潼山崩。永興二年六月。東海朐山崩。冬十二月。泰山琅邪盜賊群起。永壽二年七月。河東地裂。時梁皇后兄冀秉政。桓帝欲自由。內患之。延熹元年七月乙巳。左馮翊雲陽地裂。三年五月戊申。漢中山崩。是時上寵恣中常

侍單超等。四年六月庚子。泰山博尤來山判解。

八年六月丙辰。緱氏地裂。永康元年五月丙午。雒

陽高平永壽亭上黨泫工玄反氏地各裂。是時朝臣患

中常侍王甫等專恣。冬。桓帝崩。明年。竇氏等欲誅常侍黃門不果。更為所誅。靈帝建寧四年五月。河東地裂十二處。裂各長十里百七十步。廣者三十餘步。深不見底。

魏元帝咸熙二年二月。太行山崩。此魏亡之徵也。其冬。晉有天下。

吳孫權赤烏十三年八月。丹陽句容及故部寧國

諸山崩。鴻水溢。劉歆以為國主山川。山崩川竭。亡之徵也。吳雖稱帝。其實列國災發丹陽。天意見之。後二年而權薨。又二十六年而吳亡。

晉武帝泰始三年。三月戊午。太石山崩。四年。七月。泰山崩。墜三里。京房易傳曰。自上下者為崩。厥應泰山之石顛而下。聖人受命。人君虜。及帝晏駕而祿去。王室惠皇。軟弱。懷愍二帝。俱辱虜庭。淪胥於北。元帝中興於南。此其應也。太康五年庚午。宣帝廟地陷。

六年。十月。南安新興山崩。湧水出。七年。二月。朱提珠是之大瀘山崩。震壞郡舍。陰平之仇池崖隕。八

年。七月。大雨。殿前地陷。方五尺。深數丈。中有破船。

惠帝元康四年。蜀郡山崩。殺人。五月壬子。壽春山崩。洪水出。城壞。地陷。方三十丈。殺人。六月。壽春大雷。山崩。地坼。人家陷死。上庸郡亦如之。八月。居庸地裂。廣三十六丈。長八十四丈。水出。大饑。上庸四處山崩。地墜。廣三十丈。長一百三十丈。水出。殺人。皆賈后亂朝之應也。太安元年。四月。西壩崩。懷帝永嘉元年。三月。洛陽東北步廣里地陷。二年。八月乙亥。鄆城城無故自壞。七十餘丈。司馬越惡之。遷于濮陽。此見沴之異也。越卒。以陵上受禍。二年。七月戊辰。當陽

地裂三所。廣三丈長三百餘步。京房易傳曰。地坼裂者。臣下分離不肯相從也。其後司馬越苟晞交惡。四方牧伯莫不離散。王室遂亡。三年十月。宜都夷道山崩。四年四月。湘東鄱黑石山崩。元帝大興元年二月。廬陵豫章武昌西陽地震。山崩。二年五月。祁山地震。山崩。殺人。三年。南平郡山崩。出雄黃數千斤。時王敦陵傲。帝優容之。示含養禍萌也。四年八月。常山崩。水出潭沱。上火乎反。下音陀。盈溢。大木傾拔。成帝咸和四年十月。柴桑廬山西北崖崩。十二月。劉胤為郭默所殺。穆帝永和七年九月。峻平崇陽二

陵廟。十二年十一月。遣散騎常侍車灌修峻平陵

開埏道。崩。壓殺數十人。升平五年二月。南掖門馬

足陷地。得鐘一。有文四字。哀帝隆和元年四月丁

丑。浩亶。上古合反。下音門。山崩。張天錫亡徵也。安帝義熙

八年三月壬寅。山陰地陷。方四丈。有聲如雷。十年

五月戊寅。西明門地穿。涌水出。毀門扇。及陷。此水沴

土也。十一年五月。霍山崩。出銅鐘六枚。十三年

七月。漢中城固縣水涯。有聲若雷。既而岸崩。出銅鐘

十有二枚。惠帝元康九年六月。夜暴雷雨。賈謐齋

屋柱陷入地。壓謐牀帳。此木沴土。土失其性。不能載

也。明年謚誅焉。光熙元年五月范陽國地燃可以
爨。此火沴土也。是時禮樂征伐自諸侯出。

梁武帝普通二年始平郡石鼓村地自開成井方六
丈六寸深三十二丈。

後魏孝靜帝武定二年十一月西河地陷有火出京
房易妖占曰地自陷其君亡。祖暕曰火陽精也。地陰
主也。地燃越陰之道行陽之政。臣下專恣終以自害。
時齊神武作宰。侯景專擅河南神武崩。景作亂。

後周建德二年涼州地震裂出泉

隋仁壽三年梁州就谷山崩洪範五行傳曰崩散落

背叛不事上之類也。梁州為漢地。明年漢王諒反。

大業七年砥柱山崩壅河逆流數十里。時帝興遼東
之役四海怨叛卒以滅亡。

唐貞觀八年七月隴右山摧。山者高峻自上而墮之
象也。垂拱二年九月己巳雍州新豐縣露臺鄉大

風雨震電。有山湧出高一十丈。有池周三百畝。池中
有龍鳳之形。未麥之異。武后以為休應。名曰慶山。荆
州人俞文俊上言天氣不和而寒暑隔。人氣不和而
贅疣生。地氣不和而堆阜出。今陛下以女主居陽位。
反易剛柔。故地氣隔塞。山變為災。陛下以為慶山。臣

以為非慶也。宜側身修德以答天譴。不然恐災禍至。后怒流于嶺南。永昌中。華州赤水南岸大山。晝日忽風昏。有聲隱隱如雷。頃之漸移東數百步。壅赤水。壓張村民三十餘家。高二百餘丈。水深三十丈。坡上草木宛然。金滕曰。山徙者人君不用道祿去公室。賞罪不由君。佞人執政。政在女主。不出五年有走王。開元十七年。四月乙亥。大風震電。藍田山摧裂百餘步。畿內山也。國主山川山摧川竭。亡之證也。占曰。人君德消政易則然。天寶十一載。六月。虢州閔鄉黃河中女媧墓。因大雨晦冥失所在。至乾元二年。六月乙

未。瀕河人聞有風雷。曉見其墓湧出。下有巨石。上有雙柳。各長丈餘。時號風陵堆。占曰。塚墓自移。天下破。大曆六年。四月戊寅。藍田西原地陷。九年十一月戊戌。同州夏陽有山徙于河上。聲如雷。十三年。郴州黃岑山摧。壓死者數百人。建中二年。霍山裂。建中初。魏州魏縣西四十里。地數畝。忽長崇數尺。元和八年。五月丁丑。大隗山摧。十五年。七月丁未。苑中土山摧。壓死二十人。光啓三年。四月。維州山崩。累日不止。塵坩亘天。壅江水逆流。占曰。國破。後唐長興三年。七月。夔州奏赤甲山崩。

宋雍熙三年。階州福清縣青龍峽山地。壅白江水逆流。高十丈許。壞民田數百里。淳化三年五月。雅州名山縣大風雨。登遼山地。壅江水逆流。入民田。壞稼。咸平元年。七月庚午。寧化軍汾水漲。壞北水門。山石摧圯。軍士有壓死者。二年。七月庚寅。陝州靈寶縣暴雨。崖圯。壓居民死者二十二戶。三年。三月辛丑。夜。秦州大澤縣三陽寨大雨。崖摧。壓死者六十二人。四年。正月。秦州成紀縣山摧。壓死六十餘人。景德四年。七月。秦州成紀縣崖圯。殺居民。天禧五年。五月。襄州鳳林鎮道側湧起高三尺許。長三文。闊八

尺。知州夏竦以聞。熙寧元年。潭州益陽縣雷震。山裂出米。二年。十月庚戌。南郊東壝門內地陷。有天寶十二年古墓。五年。九月丙寅。華州少華山前阜頭峰。越八盤嶺及谷。摧陷於石子坡。東西五里。南北十里。潰散墳裂。涌起堆阜。各高數丈。長若隄岸。至陷居民六社。凡數百戶。林木廬舍。亦無存者。並山之民。言數年以來。峰上常有聲。是夜初昏。畧無風雨。山上忽霧起。有聲漸大地。遂震動。不及食頃。而山摧。元豐八年。二月甲戌。賓州嶺方縣地陷。元祐元年。十二月。華州鄭縣界小敷谷山頽。傷居民。宣和七年。

七月己亥。熙河路地震有裂數十丈者。蘭州尤甚。陷數百家。倉庫俱沒。紹興十二年。十二月。陝西不雨。五穀焦枯。涇渭灞澮皆竭。伯陽甫曰。國必依山川。山摧川竭。亡之證也。時秦民以饑離散。壯者為北人所買。郡邑遂空。劉向以為陽失在陰者。謂火氣來煎枯水。故川竭。山川連體。下竭上必摧。占曰。君德消。政易則然。京房易傳曰。君臣相背。厥異名水絕。紹熙四年秋。南岳祝融峰有山自摧。劍門關山摧。五年。十二月。臨安府南高峰有山自摧。慶元二年六月辛未。台州黃岩縣大雨水。有山自徙五十里。餘聲如雷。草木塚墓皆如初。而故址為淵潭。時臨海縣清潭山亦自移。唐志載金滕曰。山徙者。君不用道。祿去公室。賞罰不由君。侯人執政也。此韓侂胄擅朝之應。嘉泰二年。七月丁未。閩建安縣山摧。民廬之壓者六十餘家。嘉定六年六月丙子。浙淳安縣長樂鄉山摧。水湧。近水沙土也。京房易傳曰。小人剝廬。厥妖山摧。劉向以為山陽君也。水陰民也。君道壞。下亂。百姓將失其所。又曰。臣下叛。散落不事上之象也。八年五月。行都久不雨。百川皆竭。淮甸亦如之。

地生異物

魏公孫淵時。襄平北市生肉長圍各數尺。有頭目口

喙無手足。詳見亦祥門

晉太興二年。廬江灑縣何旭家。忽聞地中有犬子聲。

掘之得一母犬。與二子一雄一雌。詳見犬禍門又孫無

終家。地坼得狗。同上並見犬禍門咸康初。地生毛。太元

二年。地生毛。十四年。京都地生毛。十七年。地生

毛。隆安四年。地生毛。或白或黑。元興三年。五月。

江陵地生毛。義熙三年。十三年。地並生毛。永嘉

元年。洛陽地陷。有蒼白鵝出。詳見羽蟲之異元康五年。呂

縣有流血百餘步。詳見赤祥門

齊高帝建元元年。荊州天井湖出綿。人用與常綿不

異

梁太同二年。地生白毛長二尺。詳見白祥門

齊河清元年九月。滄州及長城下地多生毛。或白或

黑。長四五寸

唐垂拱元年九月。淮南地生毛。或白或蒼。長者尺餘。

遍居人牀下。揚州尤甚。大如馬鬣。焚之臭如燎毛。占

曰。兵起民不安。三年。魏州地出鉄。如船數十丈。

武威郡石化為麵。貧乏者取以給食。天寶十三年。

汝州葉縣南。有土塊。闕中有血出。數日不止。建中

四年。四月。京師地生毛。或黃或白。有長尺餘者。貞元四年。四月。淮南及河南地生毛。大和二年。六月。蘇州鹽生毛。四年。石生麵。貧者食之。

宋熙寧元年。潭州益陽縣。雷震山裂。出米可十萬斛。炊之成飯而腥不可食。至京師信米也。但色黑如炭。八年。杭州鹽官縣。自三月地產物如珠可食。詳見穀異門元豐三年。青州臨朐益都。石化為麵。民取食之。

黃青黃祥

漢昭帝元鳳元年。九月。燕有黃鼠銜其尾。舞王宮端門中。見鼠妖門成帝建始元年。四月辛丑夜。西北有火。

光。壬寅。晨大風從西北起。雲氣赤黃。四塞天下。終日夜。著地者黃土塵也。是歲帝元舅大司馬大將軍王鳳始用事。又封鳳母弟崇。庶弟譚等五人。皆為列侯。哀帝即位。封外屬丁氏。傅氏。周氏。鄭氏。凡六人為列侯。楊宣對曰。五侯封日。天氣赤黃。丁傅復然。此殆爵土過制。傷亂土氣之祥也。京房易傳曰。易稱觀其生。言大臣之義。當觀賢人。知其性行。推而貢之。否則為聞善不與。茲謂不知。厥異黃。厥各聳。厥災不嗣。黃者。日上黃光。不散如火。然有黃濁氣。四塞天下。蔽賢絕道。故災異至絕世也。王莽天鳳元年。六月。黃霧四

塞

後漢昭烈章武二年東伐。二月自秭歸進屯夷陵。六月秭歸有黃氣見。長十餘里。廣數十。又後踰旬為陸遜所破。近黃祥也。

晉惠帝元康四年正月大霧。帝時昏眊。政非已出。故有大霧之妖。

元帝大興四年八月黃霧四塞。地氛蔽天。永昌元年十月京師大霧。黑氣貫天。日無光。明帝太寧元年正月癸巳黃霧四塞。二月又黃霧四塞。是時王敦擅權。謀逆愈甚。穆帝永和七年三月涼州大風拔

木。黃霧下塵。是時張重華納譖。出謝艾為酒泉太守。而所任非其人。至九年死。嗣子見殺。是其應也。京房易傳曰。聞善不予。茲謂有知。厥異黃。厥咎孽。厥災不嗣。黃者有黃濁氣四塞。天下殺賢絕道。故災至絕世也。孝武太元八年二月癸未黃霧四塞。是時道子專政。親近佞人。朝綱方替。安帝元興元年十月庚申朔黃霧昏濁不雨。是時桓玄謀逆之應。義熙五年十一月大霧。十年十一月又大霧。是時帝室衰微。臣下權盛。兵反土地。略非君有。此其應也。宋文帝元嘉二十九年十二月戊辰黃霧四塞。次年

春元凶劭弒逆

齊武帝永明六年十一月丙戌土氣竟天如煙。八人眼鼻三日乃止。八年六月丙申大雷雨有黃光竟天照地狀如金

梁武帝大同元年天雨嘉二年天雨灰其色黃近黃祥也京房易飛侯曰聞善不與茲謂有知厥異黃厥咎聾厥災不嗣救賢絕道之咎也時帝自以為聰明博達惡人勝已又篤信佛法捨身為奴絕道救賢之罰也。大寶元年正月天雨黃沙三年簡文帝夢丸土而吞之帝尋為侯景所廢以土囊壓之而斃諸子

遇害不嗣之應也

陳後主時夢黃衣人圍城後主惡之遠城橘樹伐去之。隋高祖受禪之後上下通服黃衣未幾隋師攻圍之應也

後周大象二年天雨細黃土移時乃息與大同元年同占時宣帝昏狂滋甚其年崩靜帝立禪于隋

隋開皇二年京師雨土時帝懲周室諸侯微弱至亡乃分封諸子並為行臺專制方面失土之故有土氣之祥其後諸王各謀為逆亂京房易飛侯曰天雨土百姓勞苦而無功時營都邑起仁壽宮頽山堙谷死

者太

唐貞觀七年。三月丁卯。雨土。二十年。閏三月巳酉。有黃雲闊一丈。東西際天。黃為土功。永徽三年。三月辛巳。雨土。景龍元年。六月庚午。陝州雨土。十月二月丁丑。雨土。天寶十三載。二月丁丑。雨黃土。大曆七年。十二月丙寅。雨土。貞元二年。四月甲戌。雨土。八年。二月庚子。雨土。大和八年。十月甲子。土霧晝昏。至于十一月癸丑。開成元年。七月乙亥。雨土。咸通十四年。三月癸巳。雨黃土。中和二年。五月辛酉。大風雨土。天復三年。二月。雨土。天地昏

霾。

天祐元年。閏四月甲辰。大風雨土。

宋淳化三年。正月乙卯。京師雨土。占曰。小人叛。自後李

順盜據益州。

治平元年。三月辛酉。十二月乙巳。雨

土。二年。三月壬戌。雨土。十二月巳亥。雨黃土。

熙寧五年。十二月癸未。七年。三月戊午。並雨黃土。

八年。五月丁丑。雨黃土。兼細毛。元豐二年。十一月

丁亥。五年。二月乙巳。六年。四月辛未。雨土。元祐七

年。正月戊午。天雨塵土。主民勞苦。宣和元年。三月

庚午。雨土。着衣。主不肖者食祿。紹興元年。十二月

庚辰。夜有黃白氣。十一年。馮康國言。三月庚申。涇

州雨黃沙。語在金傳及夜妖。十八年十一月壬辰。上御麗正門肆赦。天有雲赤黃。近黃祥也。太史附秦檜旨。奏以為瑞。乾道四年三月己丑。雨土若塵。淳熙四年二月戊戌。五年二月甲申。四月丁丑。六年十一月乙丑。十一年正月辛卯。甲寅。十三年正月壬寅。皆雨土。十五年九月庚子。南方有赤黃氣。紹熙四年十月甲寅。五年四月癸卯。皆雨土。十月乙未。天有赤黃色。占曰。是為天變。色先赤後黃。近黃赤祥也。十一月辛亥。雨土。

文獻通考卷三百二

文獻通考卷之三百三

鄱陽馬端臨貴與著

物異考

恒雨

春秋魯隱公九年三月癸酉大雨震電。庚辰大雨雪。

師古曰雨雪大雨雨水也。師古曰下雨音千。震雷也。雨音于具反。具反後類並同。

劉歆以為三月癸酉於歷數春秋後一日始震電之時也。當雨而不當大雨大雨。恒雨之罰也。於始震雷八日之間而大雨雪。恒寒之罰也。劉向以為周三月今正月也。當雨水雪。雜雨雷電。未可以發也。既已發

也。則雪不當復降。皆失節。故謂之異。於易雷以二月

出。其卦曰豫。師古曰坤下震上也言萬物隨雷出地。皆逸豫也。

以八月入。其卦曰歸妹。師古曰兌下震上也言雷復歸入地。則

孕毓根核。保藏蟄蟲。師古曰毓字與育同核亦避盛

陰之害。出地則養長華實。發揚隱伏。宣盛陽之德。入

能除害。出能興利。人君之象也。是時隱以弟。怙幼。代

而攝立。公子翬。見隱居位已久。勸之遂立。師古曰公

失羽父也勸殺桓公隱既不許。翬懼而易其辭。師古

已求為太宰翬音揮遂與桓共殺隱。天見其將然。故正月大雨

水而雷電。是陽不閉陰。出涉危難而害萬物。天戒若

曰。為君失時。賊弟佞臣。將作亂矣。後八日。大雨雪。陰

見間隙而勝陽。篡殺禍將成也。公不寤。後二年而殺

漢昭帝。元始元年。七月。大水。雨自七月至十月。成

帝建始三年。秋。大雨三十餘日。四年。九月。大雨十餘

日。王莽地皇元年。九月。大雨六十餘日。

光武建武六年。九月。大雨連月。禾稼更生。鼠巢樹上

十七年。洛陽暴雨。壞民廬舍。禾稼壓殺人。和帝永

元十年。十三年。十四年。十五年。皆淫雨傷稼。安帝

元年。四年。秋。郡國十淫雨傷稼。方儲對策曰雨不時節妄賞賜也永

寧元年。郡國三十三淫雨傷稼。建光元年。京都

...

及郡國二十九。淫雨傷稼。是時羌反。久未平。百姓屯

戍。不鮮愁苦。延光元年。郡國二十七。淫雨傷稼。按本

傳陳忠奏以為王侯三千石為二年。郡國五連雨傷

女使伯榮獨拜車下柄在臣妾。順帝永建四年。司隸荊豫兗冀部。淫雨傷稼。

六年。冀州淫雨傷稼。桓帝延熹二年。夏霖雨五十

餘日。是時大將軍梁冀秉政。擅殺其年冀伏誅。靈

帝建寧元年。夏霖雨六十餘日。時大將軍竇武謀誅

中官事泄。為曹節等所害。熹平元年。夏霖雨七十餘

日。時官曹節等譖殺勃海王悝。中平六年。夏霖

雨八十餘日。時靈帝初崩。大將軍何進等謀誅廢宦

官中常侍張讓等。共殺。進兵戰京都地。死者數千

魏明帝太和元年。秋數大雨多暴卒。雷電非常。至殺

鳥雀。時帝居喪不哀。出入弋獵無度。奢侈繁興。故恒

雨為罰。四年。八月。大雨霖三十餘日。伊洛河漢皆

溢。

吳孫亮太平二年。二月甲寅。大雨震電。乙卯。雪大

寒。按劉歆以為此時當雨而不當大雨。劉向以為

既已雷電。則雪不當復降。皆失時候之異。與春秋

魯隱同。其後亮卒。見廢。

晉武帝泰始六年。六月。大雨霖。甲辰。河洛伊沁水。同

時並溢流四千九百餘家。殺二百餘人。沒秋稼千三百六十餘頃。太康五年七月。任城梁國暴雨。害豆麥。九月。南安郡霖雨。暴雪。樹木摧折。害秋稼。是秋魏郡西平郡九縣。淮南平原霖雨。暴水霜傷秋稼。惠帝永寧元年十月。義陽南陽東海霖雨。淹害秋麥。元帝太興三年春。雨至于夏。是時王敦執權不恭之罰也。永昌元年春。四十餘日。晝夜雷電震五十餘日。是時王敦興兵。王師敗績之應也。成帝咸和四年春。雨五十餘日。恒雷電。是時雖斬蘇峻。其餘黨猶據守石頭。至其滅後。淫雨乃霽。咸康

元年八月乙丑。荊州之長沙攸醴陵武陵之龍陽三縣。雨水淫漂屋室。殺人損秋稼。是時帝幼。權在於下。梁武帝天監七年七月雨。至十月乃霽。時頻年興師。諸軍頗捷。而士卒疲弊。百姓怨望。陰氣畜積之應也。陳宣帝太建十二年八月。大雨霪霖。時始興王叔陵驕恣。陰氣强盛之應也。明年帝崩。後主立。叔陵作亂。討平之。

東魏武定五年。秋大雨七十餘日。元瑾劉思逸謀殺齊文襄之應也。後齊武成河清三年六月庚子。大雨。晝夜不息。至甲辰。山東大水。人多餓死。是歲突厥寇

并州陰戎作梗之應。天統三年十月積陰大雨。胡太后淫亂所感。武平七年七月大霖雨水滂人戶流亡。時駱提婆韓長鸞等用事小人專政。後周武帝建德三年七月霖雨三旬。時衛刺王直潛謀逆亂。屬帝幸雲陽宮。以其徒襲肅章門尉遲運逆拒破之。其日雨霽。

唐武德六年秋關中久雨少陽曰暘少陰曰雨。陽德衰則陰氣勝。救常雨。貞觀十五年春霖雨。永徽六年八月京城大雨。顯慶元年八月霖雨更九旬乃止。開元二年五月壬子久雨。禁京城門。十六

年九月關中久雨害稼。

天寶五載秋大雨

天寶十二載八月久雨十三載秋大霖雨害稼六旬不止。九月閉坊市北門蓋井。禁婦人入街市。祭玄冥太社。榮明德門壞。京城垣屋殆盡。人亦乏食。至德二載三月癸亥大雨。至甲戌乃止。上元元年四月雨。雨訖閏月乃止。二年秋霖雨連月。渠竇生魚。永泰元年九月丙午大雨。至于丙寅。大曆四年四月雨。至于九月。閉坊市北門。置土臺。臺上置壇。立黃幡。以祈晴。六年八月連雨害秋稼。貞元二年正月乙未大雨雪。至于庚子。平地數尺。雪上黃黑如塵。五月

乙巳雨至于丙申。時大饑。至是麥將登。復大雨霖。衆心恐懼。十年春。雨。閏四月間止。不過一二日。十一年。秋大雨。十九年。八月己未。大霖雨。元和四年。四月。冊皇太子寧。以雨露服罷。十月。再擇日冊。又以雨露服罷。近常雨也。六年。七月。霖雨害稼。十二年。五月。連雨。八月壬申。雨。至于九月戊子。十五年。二月癸未。大雨。八月久雨。閉坊市北門。宋滄景等州大雨。自六月癸酉。至于丁亥。廬舍漂沒殆盡。寶曆元年。六月。雨。至于八月。大和四年。夏。鄆曹濮等州雨。壞城郭廬舍殆盡。五年。正月庚子朔。京城陰雪。彌旬。

旬。開成五年。七月。霖雨。葬文宗。龍輅陷不能進。

太中十年。四月。雨。至于九月。咸通九年。六月。久雨。禁

明德門。乾符五年。秋。大霖雨。汾澮及河溢。流害稼。

廣明元年。秋。八月。大霖雨。天復元年。八月。久雨。

後唐同光三年。六月。至九月。大雨。江河決。壞民田。

清泰元年。九月。連雨。害稼。

周廣順二年。七月。暴風雨。京師水深二尺。諸州皆奏大雨。

宋乾德六年。六月。州府二十三。大雨。水。江河泛溢。壞民廬舍。開寶二年。二月。車馬駐潞州。積雨累日。未

止。九月。京師大雨霖。五年。五月。京師大雨。連旬不止。諸州皆言大雨霖。八年。五月。京師大雨水。九年。三月。京師大雨水。秋。又霖雨。太平興國五年。五月。京師連旬雨不止。雍熙三年。八月。京師大霖雨。淳化三年。九月。京師霖雨。四年。七月。京師大雨。十晝夜不止。五年。秋。開封府宋亳陳潁泗壽鄧州。雨水害稼。至道元年。四月甲辰。京師大雨雷電。道上水數尺。二年。廣南諸州並大雨水。咸平四年。六月。京師大雨。漂壞廬舍。積潦浸路。天禧四年。七月。京師連雨彌月。甲子夜大雨。流潦泛溢。民舍軍

營。自是頻雨。及冬方止。乾興元年。二月。蘇湖秀三州雨。壞民田。

天聖四年。六月庚寅。京師大雨震雷。平地水數尺。

九月壬申。京東江淮閩浙諸州雨水。七年。自春涉

夏。雨不止。嘉祐元年。五月丁未。晝夜大雨。乙亥。雨

壞太社太稷壇。自五月大雨不止。水壞官私廬舍。城

中繫棧渡人。四年。八月。霖雨害稼。六年。七月。河

北京西淮南江浙四路。淫雨為災。閏八月。京師久

雨。治平元年。京師自夏歷秋。久雨不止。真宗及穆

獻懿三后陵墓。為雨所摧。二年。八月庚寅。大雨地

上涌水壞官私廬舍。漂殺人畜。不可勝數。是日御崇政殿。宰執而下。朝參者十數人而已。詔開西華門。以洩宮中積水。水奔激東殿。侍班屋皆摧沒。人畜溺死。官為瘞祭。其無王者千五百八十人。熙寧七年六月。熙州大雨。洮河溢。陝州大雨。漂溺陝平陸二縣。九年七月。太原府汾河夏秋霖雨水大漲。元祐二年七月丁卯。以雨罷集英殿宴。四年夏秋霖雨。河流泛漲。八年自四月常雨。至八月晝夜霪霖。畿內及諸路大水。詔開京師宮觀五日。所在令長吏祈禱。宰臣呂大防等待罪。紹聖元年七月。京畿久雨。諸

路水害稼。二年六月久雨。九月以久雨罷秋宴。

三年七月久雨。哲宗大昇輦在道陷泥中。建中靖

國元年二月久雨。崇寧元年七月久雨。壞京城廬

舍。民多壓溺死。三年六月久雨。四年五月京師

久雨。又自七月至九月。所在霖雨傷稼。十月始霽。

宣和元年五月大雨。水驟高十餘丈。六年秋。京畿

常雨。河北兩浙水災。民多流移。靖康元年四月。京

師大雨。天氣清寒。又自五月甲申至六月。暴雨傷麥。

夏行秋令。

建炎二年春霪雨。三年二月上至杭州。久陰霖雨。

占曰。陰盛下有陰謀。時苗劉為逆。後五十日。伏誅。

五月。霖雨夏寒。紹興元年。行都雨壞城三百八十

丈。是歲婺州雨亦敗城郭。三年。雨自正月元日至

于二月。尋詔恤刑七月。四川霖雨至于越歲正月。上謂張浚

致戒以撫民四年。六月。霖雨害稼。蘇湖二州為甚。

乙未賦九月。久雨。時逆豫連金虜入寇。十月。戊戌。上

親征而霽。五年。三月。霖雨傷蠶麥。行都雨甚。庚子慮獄

已未發廩九月。雨至于明年正月。賑都民者再七年。十月。

上如建鄴。久雨。八年。三月。積至于四月。傷蠶麥害

稼。二十一年。夏。襄陽府大雨十餘日。二十三年。

六月。大雨。壞軍壘民田。辛酉緡賦三十年。五月。辛卯。

大風雨。語在水傳。三十一年。四月。久雨。傷蠶麥害

稼。三十二年。六月。浙西大霖雨。隆興元年。三月。

霖雨。行都壞城郭三百三十餘丈。二年。六月。霖雨

沉陰。七月。浙西江東大雨。霖傷稼。八月。風雨霖

霖踰月。乾道二年。正月。淫至于四月。夏寒。江浙郡

國損稼。蠶麥不登。三年。八月。霖雨妨穡。江浙淮閩

禾麻菽粟多腐。四年。四月。陰雨彌月。六年。五月。

連雨六十餘日。十一年。十一月。連雨。辛巳。郊開雲于園丘。

百步外有霖雨。八年。四月。四川陰雨七十餘日。

六月壬寅大雨徹晝夜。至于巳酉。為災。九年。閏正月。淫雨。淳熙三年。五月。淮浙積雨。損禾麥。八月。浙東西江東連雨。癸未。甲申。行都大風雨。九月。久雨妨穡。六年。九月。連雨。己巳。將郊而霽。八年。四月。雨腐禾麥。五月。久雨敗苜種。十一年。四月。淫雨。十二年。五月。六月。皆霖雨。十五年。五月。荆淮郡國連雨。十六年。五月。浙西湖北福建淮東利西諸道大雨霖。紹熙元年。春。久陰連雨。至于三月。二年。四月。福建路霖雨。至五月。七月。利路久雨。傷種麥。八月。行都久雨。三年。五月。江東湖北路連

雨。七月。淮西鎮江襄陽雨。害禾麥。四年。四月。霖雨。至于五月。浙東西北東湖北淮西郡縣壞圩田。害蠶麥。蔬種。五年。八月。霖雨。浙東西北皆害稼。九月。雨。至于十月。江東福建皆苦雨。慶元元年。正月。霖雨。十二月。又雨。至三月。害麥。五月。霖雨。七月。雨。至八月。二年。八月。行都霖雨。五十餘日。三年。七月。雨連月。五年。五月。行都雨。壞城。夜壓附城民廬。多死者。六月。浙東霖雨。至于八月。嘉泰二年。六月。福建路連雨。至于七月。三年。八月。久雨。開禧元年。七月。利路霖雨。敗稼。十月。行都淫雨。至明年

春三月。嘉定三年。三月。陰雨六十餘日。五月。潦雨至于六月。首種多敗。蠶麥不登。四年。八月。霖雨至于九月。五年。春。淫雨至于三月。傷蠶麥。十一月。雨雪。積陰至于明年。春。二月。霪雨。五月。霖雨。陰沉。浙東西。六月。雨。至于七月。七年。九月。陰雨至于十月。害禾麥。九年。四月。霖雨。六月。大雨。霖二十餘日。浙東西郡縣為災。十年。三月。連雨。至于四月。十月。霖雨。敗穡。十一年。六月。浙西大霖雨。十二年。六月。霖雨。彌月。十五年。七月。浙東西霖雨為災。十六年。五月。霖雨。浙西湖北江東淮東尤甚。

八月。大風。雨。敗稼。十七年。八月。霖雨。

甘露

漢宣帝甘露元年。甘露降。

後漢光武建武十二年夏。甘露降。中元元年。郡國頻上言甘露降。明帝永平十七年。正月。甘露降於甘陵。章帝建初四年。甘露降。泉陵。洮陽。二縣。安帝延光三年。四月。壬戌。沛國言甘露降。豐縣。七月。馮翊言甘露降。頻陽。衙。延熹元年。上郡言甘露降。魏高貴鄉公甘露元年。五月。鄴及上谷。並言甘露降。陳留王咸熙二年。四月。南深澤縣言甘露降。

吳孫權黃武二年。曲阿言甘露降。嘉禾五年。武昌言甘露降於禮賓殿。赤烏二年。零陵言甘露降。九年。武昌言甘露降。孫皓甘露元年。四月。蔣陵言甘露降。遂改元。陳宣帝太建七年。甘露頻降。樂游苑立甘露亭。魏太武太延元年。甘露降於殿內。

唐武德九年。四月。甘露降於中華殿之桐樹。泫如冰雪。以示群臣。貞元十年。正月。西川奏當管甘露降。松柏樹竹藂等二千四百四十二處。

蜀王建元年。嘉陽諸州言甘露降。

宋乾德四年。二月。長春節。甘露降江陵府報恩院。連

十日。霏微如烟霧。漬栢葉皆甘。太平興國三年。正月。甘露降壽州。解色如琥珀。徧覆庭檜。端拱二年。二月。甘露降壽州。解園栢。及資聖寺檜。狀若華蔕。色如凝脂。咸平元年。富順監有甘露降梅柳。霏洒如珠。景德元年。九月。甘露降桂州永寧縣桐樹。如稻米色白。

按三朝國史有符瑞志。內述甘露自乾德而後。州縣所上甚多。咸平以來尤甚。幾無歲無之。此姑著其一二云。

熙寧元年。距元豐八年。天下言甘露降。凡二十餘處。

元祐元年。距元符三年。亦如之。建中靖國元年。距宣和七年。中外言甘露降。多不可紀。其尤著者。大觀初降于九城宮。帝屬室。三年冬。降于尚書省。及曹御製七言四韻詩。賜執政以下。其後內自禁中。及宣和殿。延福宮。神霄宮。下三學。開封府。大理寺。宰臣私第。皆有之。歲歲拜表稱賀。

天雨異物

春秋文公三年。秋雨螽于宋。公羊傳。雨螽者何。墜而死也。穀梁傳。著於上。見于下。謂之雨。詳見蝗門顯王三年。雨金于櫟陽。言雨金于秦國。都明金瑞見也。赧王三十

一年。齊千乘博昌之間。方數百里。雨血沾衣。時燕昭

王伐齊。齊湣王出奔。為楚將淖齒所弑。

漢惠帝二年。天雨血於宜陽一頃所。詳見赤青元帝永

光二年。八月。天雨草。詳見草妖成帝鴻嘉四年。秋。雨魚

于信都。長五寸以下。哀帝建平四年。山陽湖陵雨

血。廣三尺。長五尺。大者如錢。小者如麻子。平帝元

始元年。正月。天雨草。詳見草妖

後漢桓帝建和三年。秋。七月。北地廉雨。肉似羊肋。肋脅

也。或大如手。晉武帝泰始八年。五月。蜀地雨白毛。

詳見白祥門永康元年。尉氏雨血。建興元年。河東地

震雨肉。劉聰時平陽皇墜為肉長三十步。

詳各見赤祥門

隋開皇六年七月京師雨毛如髮尾長者三尺餘短

者六七寸

詳見羊白膏

開皇十二年空中有物闐而墜如羝羊。

詳見羊禍門

後齊河清二年太原雨血

梁大同元年天雨土。

二年天雨灰其色黃。

大寶

元年天雨黃沙

詳見黃祥門

後周大象二年正月天雨黃土

隋開皇二年京師雨土

名見祥門

唐武德初突厥雨血三日。

垂拱三年廣州雨金。

四年雨桂子于台州旬餘乃止占曰天雨草木人多死

神龍二年越州雨毛。

貞元四年雨木于陳留十里

許大如指長寸餘中空所下立如植。

詳見木不曲直門

是歲

大雨有物墮地如猪。

詳見豕禍門

二十七年雨赤雪于京

師。乾符二年洛陽因暴雨有物墮地如羝羊。

詳見羊禍門

貞觀七年三月永徽三年三月景龍元年

六月十二月天寶十三載二月大曆七年十二月貞

元二年四月八年二月開成元年七月咸通十四年

三月中和二年五月天復三年二月天祐元年閏四

月俱雨土。光啓二年揚州雨魚

宋淳化三年正月。京師雨土。熙寧元年三月丁酉。潭州雨毛。八年五月丁丑雨黃土兼細毛。元豐三年六月己未。饒州長山兩木子數畝。狀類山芋子。味香而辛。土人以為桂子。又曰菩提子。明道中嘗有之。是歲大稔。五年三月己巳。六年四月辛未。雨土。元祐七年正月。天雨塵土。主民勞苦。宣和元年三月。雨土。紹興二十六年七月。雨水銀。

文獻通考卷之三百三終

文獻通考卷之三百四

鄱陽 馬端臨 貴與 著

物異考

恒暘

春秋僖公二十一年。夏大旱。董仲舒劉向。以為齊桓既死。諸侯從楚僖。尤得楚心。外倚強楚。炕陽失衆。又作南門。勞民興役。諸雩旱不雨。略皆同說。宣公七年。秋大旱。是夏宣與齊侯伐萊。襄公五年。秋大雩。先是楚伐宋。取彭城。鄭畔中國。附楚襄。與諸侯共圍彭城。城。鄭虎牢。以禦楚。有炕陽動衆之應。八年九

月大雩。時作三軍。季氏盛。二十八年。八月。大雩。先是比年。晉使荀吳。齊使慶封來聘。是夏。邾子來朝。襄有炕陽。自大應之。昭公三年。八月。大雩。劉歆以為昭公居喪不哀。炕陽失衆。六年。九月。大雩。時魯莒連兵。有炕陽動衆之應。十六年。九月。大雩。先是昭公國夫人歸氏薨。昭不感。與三年同占。二十四年。八月。大雩。時魯襲邾師。邾愬于晉。晉執我行人叔孫婁。二十五年。七月上辛。大雩。季辛又雩。旱甚也。劉歆以為時后氏與季氏有隙。公信讒伐季氏。為所敗。出奔齊。定公十年。九月。大雩。時公侵鄭城中。城圍

鄆。嚴公三十一年冬。不雨。是歲一年而三築臺。奢侈不恤民。僖公二十年。冬。十月。不雨。三年。春。正月。不雨。夏。四月。不雨。六月。雨。時南敗邾。東敗莒。有炕陽之應。文公二年。自十二月。不雨。至于秋七月。文公即位。天子使叔服會葬。毛伯賜命。又會晉侯于戚。公子遂如齊納幣。又與諸侯盟。上得天子。外得諸侯。沛然自大。躋僖公主。大夫始顓事。謂季孫行父也十年。自正月。不雨。至于秋七月。先是公子遂會四國。而救鄭。楚使越椒來聘。秦人歸禩。有炕陽之應。十三年。自正月。不雨。至于秋七月。先是曹伯。杞伯。滕子來朝。邾伯來

文獻通考卷三百四
二
奔。秦伯使遂來聘。季孫行父城諸及鄆。二年之間。五國趨之。內城二邑。炕陽夫衆。一曰不雨而五穀皆熟。異也。文公時。大夫始專盟。會公孫敖。會晉侯。又會諸侯。盟于垂隴。故不雨而生者。陰不出氣而私自行。以象施不由上出。臣下作福而私自成。一曰不雨。近常陰之罰。君弱也。

秦始皇十二年。天下大旱。六月至八月。乃雨。

漢惠帝五年。夏大旱。江河水少。谿谷絕。先是發民男女十四萬六千人。城長安。是歲城乃成。

文帝三年。秋。天下旱。是秋匈奴寇邊。發兵擊之。出塞。

其秋濟北王興居反。討平之。後六年。天下大旱。時

匈奴大入上郡。雲中烽火通長安。遣三將軍屯邊。又

三將軍屯京師。九年。春大旱。

景帝中三年。秋大旱。後二年。秋大旱。武帝建元四

年。六月旱。元光六年。夏大旱。是歲四將軍征匈奴。

元朔五年。春大旱。是歲六將軍衆十餘萬征匈奴。

元狩三年。夏大旱。是歲發天下故吏。伐棘上林。穿昆

明池。元封六年。秋大旱。天漢元年。夏大旱。其三

年。夏大旱。先是貳師將軍征大宛還。三將軍征匈奴。

李陵沒不還。征和元年。夏大旱。是歲始治巫蠱。明

年。衛皇后太子敗。昭帝元始六年。大旱。先是大鴻臚田廣明征益州。暴師連年。元鳳五年。夏大旱。宣帝本始元年。夏大旱。東南數千里。先是五將軍衆二十萬征匈奴。神爵元年。秋大旱。是歲後將軍趙充國征西羌。元年建始二年。大旱。成帝永始三年。四年。夏大旱。建平四年。春大旱。後漢世祖建武三年。七月。洛陽大旱。五年。夏旱。京房易傳曰。欲德不用。茲謂張厥災荒。其旱陰雲不雨。變而赤。因四陰衆出過時。茲謂廣。其旱不生。上下皆蔽。茲謂隔。其旱元赤。三月。時有電殺飛禽。上緣求妃。

茲謂僭。其旱三月。大温。亡雲。君高臺。府。茲謂犯陰侵陽。其旱萬物根死。有火災。庶位踰節。茲謂僭。其旱澤物枯。為火所傷。春秋考異。郵曰。大國旱。冤獄結。旱者氣亂。惑天。則旱。徵見。又云。陽偏。陰厭。陽移。君在。所以感之者。不舒。陽偏。不施。又云。陽偏。民怨。徵也。在。所以感之者。上奢。則求多。求多。則下竭。下竭。則則。君不仁。管子曰。春不救。枯骨。伐枯木。而起。去之。則夏旱。方儲對策曰。百姓苦。士卒煩。碎責。袒稅。失中。暴師。外經。營歷。三時。內有怨。女外。有曠。夫王。者熟。推其。祥。揆。合。於。天。圖。之。事。情。早。災。不。行。萬。民。煩。擾。故。天。天。應。以。無。澤。是。時。天。下。僭。逆。者。未。盡。誅。軍。多。過。時。古。今。注。曰。建。武。六。年。六。月。一。年。六。月。明。帝。永。平。元。年。五。月。八。年。冬。十。一。年。八。月。十。三。年。八。月。十。八。年。三。月。並。旱。章帝章和二年。夏旱。時章帝崩後。竇太后兄弟用事。

奢僭古今注曰建初二年夏雒陽旱四年夏元

為廣陵楚淮陽濟南之獄徒者數萬人吏民怨曠上

疏云久旱孔叢曰建初元年大旱天子憂之侍御史

孔至豐乃疏曰臣聞為不足而災報得其傷而不善

而災至遭時運也陛下即位日淺視民如其傷而不善

耗省時散積減御損食而大有年意者陛下未為成

湯之即降轉拜黃門郎典東觀事

和帝永元六年秋京師旱時雒陽有冤囚和帝幸雒

陽寺錄囚徒理冤囚收令下獄抵罪行未還宮澍雨

降古今注曰永元二年郡國十四旱十五年丹陽郡

初元年夏旱二年夏旱三年夏旱七年夏旱元

六年夏旱古今注曰建光元年郡國五年並旱傷稼

順帝永建三年夏旱五年夏旱陽嘉二年夏旱

時李固對策以為奢僭所致也臣昭按本紀元年二

君恩澤不施於民祿去公室臣下專權所致也又周

冲帝永嘉元年夏旱時冲帝幼崩太尉李固勸太后

及兄梁冀立嗣帝擇年長有德者天下賴之則功名

不朽年幼未可知如後不善悔無所及時太后及冀

貪立年幼。欲久自專。遂立質帝八歲。此不用德。注曰。

本初元年二月京師旱

桓帝元嘉元年。夏旱。是時梁冀秉政。妻子並受封寵。

踰節。延熹元年六月旱。京房占曰。人君無施澤惠。

蝗蟲害穀。其救也。貫譴罪行。寬大惠兆民。勞功吏賜。以致水旱。寡稟不足。按陳蕃上疏。官女多聚。不御憂悲之感。

之因也。

靈帝熹平五年。夏旱。蔡邕作伯夷叔齊碑曰。熹平五

應時處士平陽蘇騰字玄成。夢陟狀上。聞天子開三府。請

在道明覺而思之。以其夢陟狀上。聞天子開三府。請

六年。夏旱。光
和五年。夏旱。六年。夏旱。是時常侍

黃門。僭作威福。

獻帝興平元年。秋長安旱。是時李傕郭汜專權。縱肆

獻帝起居注曰。建安十

九年夏四月旱。魏明帝太和二年。五月大旱。元年已來。崇廣官府之

應也。又是春宣帝擒孟達張郃。破諸葛亮斃馬謖。亢

陽自大。又其應也。太和五年。三月自去冬。十月至

此月不雨。辛巳。大雩。齊王正始元年。二月自去冬

十二月至此月不雨。去歲曹爽白帝轉宣帝為太傅。

外示尊崇。內實欲令事先由已。時宣帝功蓋魏朝。欲

德不應之驗也。高貴鄉公甘露三年。正月自去秋至

此月旱。時文帝圍諸葛誕。衆出過時之應也。初壽春秋夏常雨。淹城。而此旱踰年。城陷乃大雨。咸以誕為天亡。

吳孫權嘉禾四年。自十月不雨。至于夏。孫亮五年。鳳二年。大旱。百姓饑。是年征後。煩興軍士。怨叛。此亢陽自大。勞役失衆之罰也。其後彌歲。故旱亦竟年。孫皓寶鼎元年。春夏旱。時皓遷都武昌。勞役動衆之應。

晉武帝泰始七年。五月閏月旱。大雩。八年。五月旱。是時帝納荀勗邪說。留賈充不復西鎮。而任愷漸踈。上下皆蔽之應也。及李熹魯芝。李胤等。並在散職。近厥德不用之謂也。九年。自正月旱。至于六月。祈宗廟。杜稷山川。癸未雨。十年。四月旱。去年秋冬。採擇鄉校諸葛冲等女。是春五十餘人入殿。簡選。又取小將吏女數千人。母子號哭於宮中。聲聞于外。行人悲酸。是殆積陰生陽。上緣求妃之應也。咸寧二年。五月。旱。大雩。至六月乃澍。之戊反。又音澍。雨。太康二年。旱。自去冬至。此春。三年。四月旱。乙酉。詔司空齊王攸。與尚書廷尉河南尹。錄訊繫囚事。從蠲宥。五年。六月旱。此年正月天陰。解而復合。劉毅上疏曰。

必有阿黨之臣。姦以事君者當誅而不赦也。帝不答。是時荀勗、馮紘、僭作威福。亂朝尤甚。六年三月。青梁幽冀郡國旱。六月。濟陰武陵旱。傷麥。七年夏。郡國十三大旱。八年四月。冀州旱。九年夏。郡國三十三旱。扶風始平京兆安定旱。傷麥。十年二月旱。太熙元年三月旱。自太康已後。雖正人滿朝。不被親伏。而賈充、荀勗、楊駿、馮紘等。迭居要重。所以無年不早者。欲德不用。上下皆蔽。庶位踰節之罰也。

惠帝元康七年七月。秦雍二州大旱。疾疫。關中饑。米斛萬錢。因此氐羌反叛。雍州刺史解系敗績。而饑疫

荐

與游同
在見及

臻。戎晉並困。朝廷不能振。詔聽相賣鬻。其

九月。郡國五旱。

永寧元年。自夏及秋。青徐幽并四

州旱。十二月。又郡國十二旱。是年春。三王討趙王倫。

六旬之中。數十戰。死者十餘萬人。

懷帝永嘉三年五月。大旱。襄平縣梁水淡。池竭。河洛江漢皆可涉。是年三月。司馬越歸京都。遣兵入宮。收中書令繆播等九人。殺之。皆僭踰之罰也。又四方諸侯多懷無君之心。劉元海石勒。王彌李雄之徒。賊害百姓。流血成泥。又其應也。五年。自去冬旱至此春。去歲十一月。司馬越以行臺自隨。斥黜宮衛。無君臣

之節

愍帝建武元年。六月。揚州旱。去年十二月。淳于白寃死。其年即旱。太興元年。六月。又旱。千寶曰。殺淳于伯之後。旱三年是也。刑罰妄加。群陰不附。則陽氣勝之。罰也。

元帝太興四年。五月旱。是時王敦陵僭已著。永昌元年。夏大旱。是年三月。王敦有石頭之變。二宮陵辱大臣。誅死。僭踰無上。故旱尤甚也。其閏十一月。京都大旱。川谷並竭。明帝太寧三年。自春不雨。至于六月。

成帝咸和元年。夏秋旱。是時庾太后臨朝稱制。言不從而僭踰之罰也。二年。夏旱。五年。五月大旱。六年。四月大旱。八年。秋。七月旱。九年。自四月不雨。至于八月。咸康元年。六月旱。是時成帝冲弱。未親萬機。內外之政。決之將相。此僭踰之罰。連歲旱也。至四年。王導固讓太傅。復子明辟。是後不旱。殆其應也。時天下普旱。會稽餘姚特甚。米斗直五百。人有相鬻鬻者。二年。三月旱。三年。六月旱。時王導以天下新定。務在遵養。不任刑罰。遂盜賊公行。頻五年。亢旱。亦舒緩之應也。康帝建元元年。五月旱。

穆帝永和元年。五月旱。是時帝在襁褓。褚太后臨朝。如明穆太后故事。五年。七月不雨。至于十月。六年。夏旱。八年。夏旱。九年。春旱。升平三年。冬大旱。四年。冬大旱。哀帝隆和元年。夏旱。是時桓溫彊恣。權制朝廷。踰僭之罰也。

海西公太和元年。夏旱。四年。冬旱。涼州春旱。至夏。簡文帝咸安二年。十月。大旱。饑。自永和至是。嗣主幼冲。桓溫陵僭。用兵征伐。百姓怨苦。

孝武帝寧康元年。三月旱。是時桓溫入覲。高平陵。闔朝致拜。踰僭之應也。三年。冬旱。太元四年。夏大旱。

八年。六月旱。十年。七月旱。饑。初八年。破苻堅

九年。諸將略地。有事徐豫。楊亮趙統攻討巴沔。是年

正月。謝安又出鎮廣陵。使子琰進次彭城。頻有軍役。

十三年。六月旱。去歲北府遣戍胡陸荊州。經絡河南。

是年。夏。郭銓置戍野王。又遣軍破黃淮。十五年。七

月旱。十七年。秋旱。至冬。是時烈宗仁恕。信任會稽王

道子。政事舒緩。又茹千秋為驃騎。諮議。切弄主相威

福。又丘尼乳母親黨及婢僕之子。階緣近習。臨部領

衆。又所在多上春。竟囚不以其辜。建康獄吏枉暴。既

甚。此又僭踰不從寬濫之罰。

安帝隆安二年。冬旱寒甚。四年五月旱。五年夏秋大旱。十二月不雨。時孫恩作亂。桓玄疑貳。迫殺殷仲堪。而朝廷即授以荊州之任。司馬元顯又諷百僚悉使敬已。內外騷動。兵甲煩興。此皆陵僭憂愁之應也。元興元年。七月大饑。九月十月不雨。泉水涸。二年六月不雨。冬又旱。時桓玄奢僭。十二月遂篡位。三年八月不雨。義熙四年冬不雨。六年九月不雨。八年十月不雨。九年秋冬不雨。十年九月旱。十一月又旱。井瀆多竭。是時軍役煩興。

宋文帝元嘉八年。夏六月旱。大雩。二十八年三月大旱。

孝武大明八年。東諸郡大旱。甚者米一斗數百。都下亦至百餘錢。餓死者十六七。

梁武帝天監元年。大旱。米斗五千人。多餓死。洪範五行傳曰。君持亢陽之節。興師動衆。勞人過度。故旱災應。初帝起兵襄陽。破張冲。敗陳伯之。及平建康。前後連戰。百姓勞敝。及即位後。復與魏交兵不止之應也。簡文帝大寶元年。夏大旱。人相食。都下尤甚。

陳宣帝太建十二年。春不雨。至四月。先是周師掠淮

文獻通考卷三百四十一
十一
北。始興王叔陵等諸軍敗績。淮北地皆沒于周。是其應也。

後魏孝文太和十五年。自正月不雨。至于四月。宣武景明四年旱。正始元年旱。永平二年旱。三年。冀定二州旱。延昌元年。自二月不雨。至五月。

孝明神龜元年。自正月不雨。至六月。正光二年旱。孝靜帝天平二年。大旱。

東魏天象四年。并肆汾建晉絳秦陝等諸州。大旱。人多流散。是歲齊神武與西魏戰於沙苑。敗績。死者數萬。

東魏武定二年。冬春旱。先是西魏師入洛陽。神武親帥軍大戰於芒山。死者數萬。

後齊天保九年。夏大旱。先是大發卒築長城四百餘里。勞役之應也。乾明元年。春旱。先是發卒數十萬。

築金鳳聖應崇光三臺。窮極侈麗。不恤百姓。亢陽之應也。河清二年。四月。并晉已西五州旱。是歲發卒築軹關突厥二十萬眾。毀長城。寇恒州。

後主天統二年。春旱。是時大發卒起大明宮。

隋開皇四年。已後。京師頻旱。時遷都龍首。建立宮室。百姓勞弊。亢陽之應也。大業四年。燕代緣邊諸郡。

旱。時發卒百餘萬築長城。帝親巡塞表。百姓失業。道殣相望。八年。天下旱。百姓流亡。時發四海兵。帝親征高麗。六軍凍餓死者十八九。十三年。天下大旱。時郡縣鄉邑。悉遣築城。發男女無少長皆就役。

唐武德三年。夏旱。至于八月。乃雨。四年。自春不雨。至于七月。雨少。陰之氣。其氣毀則不雨。少陰者。金也。金為刑。為兵。刑不辜。兵不戢。則金氣毀。故常為旱。火為盛陽。陽氣强悍。故聖人制禮以節之。禮失則僭。而驕。炕以導盛陽。火勝則金衰。故亦旱。於五行土實制水。土功興則水氣壅閉。又常為旱。天官有東井主水

事。天漢天江亦水祥也。水與火仇而受制于土。土火謫見。若日蝕過分而未至。與七曜循中道之南。皆旱祥也。七年。秋。關內河東旱。貞觀元年。夏。山東大旱。二年。春旱。三年。春夏旱。四年。春旱。自太上皇傳位至此。而比年水旱。九年。秋。劔南關東州二十四旱。十二年。吳楚巴蜀州二十六旱。冬。不雨。至于明年五月。十七年。春夏旱。二十一年。秋。陝絳蒲夔等州旱。二十二年。秋。開萬等州旱。冬。不雨。至于明年三月。永徽元年。京畿雍同絳等州十旱。二年。九月。不雨。至于明年二月。四年。夏。秋旱。光武滌

文獻通考卷三百一十三
穎等州尤甚。顯慶五年。春。河北州二十二旱。總章元年。京師及山東江淮大旱。二年。七月。劔南州十九旱。冬無雪。咸亨元年。春旱。秋復大旱。儀鳳二年。夏。河南河北旱。三年。四月旱。永隆二年。關中旱。霜大饑。永淳元年。關中大旱饑。二年。夏。河南河北旱。永昌元年。三月旱。神功元年。黃隋等州旱。文視元年。夏。關內河東旱。長安二年。春。不雨。至于六月。三年。冬。無雪。至于明年二月。神龍二年。冬。不雨。至于明年五月。京師山東河北河南旱饑。太極元年。春旱。七月。復旱。開元二年。春。大旱。十

二年。七月。河東河北旱。帝親禱兩宮中。設壇席。暴立三日。九月。蒲同等州旱。十四年。秋。諸道州十五旱。十五年。諸道州十七旱。十六年。東都河南宋亳等州旱。二十四年。夏旱。永泰元年。春夏旱。二年。關內大旱。自三月不雨。至于六月。大曆六年。春旱。至于八月。建中三年。自五月不雨。至于七月。興元元年。冬。大旱。貞元元年。春旱。無麥苗。至于八月。旱甚。灞澮將竭。井皆無水。六年。春。關輔大旱。無麥苗。夏。淮南浙西福建等道大旱。井泉竭。人暍。且疫死者甚衆。七年。楊楚滁壽澧等州旱。十四年。春旱。

無麥。十五年夏旱。十八年夏申光蔡州旱。十九年正月不雨至七月甲戌乃雨。永貞元年秋江浙淮南荆南湖南鄂岳陳許等州二十六旱。元和三年淮南江南江西湖南廣南山南東西皆旱。四年春夏大旱。秋淮南浙西江西江東旱。七年夏楊閩等州旱。八年夏同華二州旱。十五年夏旱。寶曆元年秋荆南淮南浙西江西湖南及宣襄鄂等州旱。大和元年夏京畿河中同州旱。六年河東河南關輔旱。七年秋大旱。八年夏江淮及陝華等州旱。九年秋京兆河南河中陝華同等州旱。

開成二年春夏旱。四年夏旱。浙東尤甚。會昌五年春旱。六年春不雨。冬又不雨。至明年二月。大中四年大旱。咸通二年秋。淮南河南不雨。至于明年六月。九年江淮旱。十年夏旱。十一年夏旱。廣明元年春夏大旱。中和四年江南大旱。饑人相食。景福二年秋大旱。光化三年冬。京師旱。至于四年春。

宋建隆二年。京師夏旱。冬又旱。三年。京師春夏旱。河北大旱。霸州苗皆焦仆。又河南河中府孟澤濮鄆齊濟澶滑延隰宿等州。並春夏不雨。四年。京師夏

秋旱。又懷州旱。乾德元年。冬。京師旱。二年。正月。京師旱。夏。不雨。冬。無雪。是歲。河南府。陝。魏。麟。博。靈。州。旱。河中府旱甚。四年。春。至。夏。京師不雨。江陵府。華。州。漣。水。軍。旱。五年。正月。京師旱。秋。復旱。冬。無雪。開寶元年。冬。京師無雪。二年。夏至。七月。京師不雨。三年。春。夏。京師旱。冬。無雪。邠州。夏。旱。五年。春。京師旱。冬。又旱。六年。冬。京師旱。七年。京師春。夏。旱。冬。又旱。河南府。晉。解。州。夏。旱。滑州。秋。旱。八年。春。京師旱。是歲。關。西。饑。旱甚。太平興國二年。正月。京師旱。三年。春。夏。京師旱。四年。冬。京師旱。七年。春。京師旱。孟。虢。絳。密。瀛。衛。曹。淄。州。旱。九年。夏。京師旱。秋。江。南。大。旱。雍熙二年。冬。京師旱。三年。冬。京師旱。四年。冬。京師旱。端拱二年。五月。京師旱。秋。七月。至。十一。月。旱。上。憂。形。於。色。蔬。食。致。禱。是。歲。河。南。登。萊。深。冀。旱。甚。民。多。饑。死。詔。發。倉。粟。貸。之。人。五。斗。淳化元。年。正。月。至。四。月。不。雨。京。師。民。饑。上。蔬。食。祈。雨。河。南。鳳。翔。大。名。京。兆。府。許。滄。單。汝。乾。鄭。同。州。旱。二。年。春。京。師。大。旱。蝗。冬。復。大。旱。是。歲。河。南。北。河。東。陝。西。及。毫。建。淮。陽。等。三。十。六。州。軍。旱。三。年。夏。京。師。不。雨。河。南。府。許。汝。毫。滑。商。州。旱。五。年。六。月。京。師。旱。疫。遣。太。醫。和。

藥救之。至道元年。京師春旱。冬無雪。二年。春夏
京師旱。冬無雪。咸平元年。春夏京畿旱。又江浙淮
南荆湖四十六州軍旱。二年。春。京師旱甚。又廣南
西路江浙荆湖及曹單嵐州淮陽軍旱。三年。春。京
師旱。江南頻年旱。歉多疾疫。四年。京畿正月至四
月不雨。景德元年。京師夏旱。人多暍死。三年。夏
京師旱。大中祥符二年。春夏京師旱。河南府及陝
西路潭邢州旱。三年。夏。京師江南路及宿潤州旱。
八年。春。京師旱。九年。秋。京師旱。又大名府澶相州
旱。天禧元年。京師春旱。秋又旱。夏陝西旱。四年。

春利州路旱。夏京師旱。五年。冬。京師旱。天聖二
年。春。不雨。八年。辛未。開封府言陽武等一十三縣
大旱。傷苗。六年。四月不雨。明道元年。畿縣久旱
傷苗。明道二年。南方大旱。種餉皆絕。人多流亡。因
饑成疫。死者十二三。官作粥糜以飼之。得食輒死。
寶元元年。益州路自夏至秋不雨。兩蜀大旱。慶曆
三年。京師自春至夏不雨。四年。春。京師及諸路久
不雨。七年。正月。京師不雨。皇祐三年。恩冀諸州
旱。嘉祐五年。梓州路夏秋不雨。七年。春旱。治
平元年。春。京師踰時不雨。鄭滑祭汝潁毫曹濮洺磁

晉耀登等州。河中府慶成軍旱。二年春不雨。

熙寧二年三月旱甚。三年畿內及諸路旱。八月衛

州旱。五年五月北京自春至夏不雨。七年自春

至夏河北河東陝西京東西淮南諸路久旱。九月

諸路復旱。時新復洮河亦旱。羌戶多殍死。八年四

月真定府旱。八月淮南兩浙江南荆湖等路旱。九

年八月河北京東西河東陝西旱。十年春諸路旱。

元豐二年春河北陝西京東西諸路旱。三年春西

北諸路旱。五年春旱。六年夏畿內旱。八年旱。

元祐二年春旱。三年秋諸路旱。京西陝西尤甚。

四年春京師及東北旱。五年旱。八年秋旱。紹

聖元年春旱。三年江東大旱。溪河涸竭。四年夏

兩浙旱。元符元年東南旱。二年春京畿旱。建

中靖國元年衢信等州旱。大觀三年淮南江東西

諸路大旱。六月不雨至于十月。政和元年淮南旱。

三年江東旱疫。宣和元年淮南秋旱。四年東平

府旱。五年夏秦鳳路旱。是歲燕山府路旱。

建炎二年夏旱。必陰之氣毀則不雨。必陰者金也。金

為刑為兵。刑不辜兵不戢。則金氣毀故為旱火盛陽

也。陽氣强悍故聖人制禮以節之。禮失則僭而驕。炕

以導盛陽。火勝則金衰。故亦旱。土實制水。土功興。則水氣塞。闕亦為旱。天官有東井主水。天漢。天江亦水祥也。水與火仇。而受制於土。土火謫見。若日蝕過分。而未至。與七曜循中道之南。皆旱祥也。紹興二年。常州大旱。三年。四月旱。至于七月。五年。五月。浙東西旱。五十餘日。六月。江東。湖南旱。秋。四川郡縣旱甚。六年。夔。潼。成都。郡縣。及湖南。衡州。皆旱。七年。春旱。七十餘日。六月。又旱。八年。冬。不雨。九年。六月。旱。六十餘日。十一年。七月。旱。十二年。三月。旱。六十餘日。秋。京西。淮東旱。十八年。浙東西

旱。二十九年。二月。旱。七十餘日。秋。江浙郡國旱。三十年。春。階。成。鳳。西。和。州。旱。秋。江浙郡邑旱。浙東尤甚。隆興元年。江浙郡縣旱。京西大旱。三年。台州。春旱。興化軍。漳。福州。大旱。首種不入。自春。至于八月。乾道三年。春。四川郡縣旱。至于秋。七月。綿。劍。漢。州。石。泉。軍。尤甚。四年。六月。旱。襄陽。隆興。建寧。俱旱。五年。夏。秋。淮東旱。盱。眙。淮陰。為甚。六年。夏。浙東。福建。路。旱。溫。台。福。漳。建。甚。七年。春。江東。南。湖。南。北。淮。南。浙。婺。秀。州。皆旱。至于夏。秋。江。洪。筠。潭。饒。南。康。興。國。臨。江。尤甚。首種不入。冬。不雨。九年。浙東。婺。處。溫。台。

州。江西吉贛臨江南安。湖北江陵府皆久旱無麥苗。淳熙元年。浙東湖南郡縣旱。台處柳桂為甚。蜀關外四州旱。二年。秋。江浙淮皆旱。紹興鎮江寧國建康常和滁真揚盱眙廣德為甚。三年。夏。浙西常昭復隨郢金洋州。江陵德安興元荆門漢陽皆旱。四年。春。襄陽旱。首種不入。五年。浙西鎮江常州蜀綿州及淮南江東西旱。六年。衡永楚高郵旱。七年。湖南旱。諸道自四月不雨。行都自七月不雨。皆至九月。越台婺常潤秀隆興興國。臨江江筠撫吉饒信徽池建康南康舒蘄黃和無為潭衡永江陵皆大旱。八

年。正月甲戌。積旱始雨。七月不雨。至于十一月。越婺衢嚴湖常臨安鎮江。江陰建康。饒信徽南康廣德興國。江陵德安鄂復漢陽信陽荆門昌長寧京西淮郡皆旱。徽楚嚴越尤甚。九年。五月不雨。至于七月。潤

婺處溫洪吉撫筠袁臨江建昌江陵德安潭鄂復漢陽荆門。信陽恭合昌普資渠利閩忠涪萬梁山南平廣安襄陽皆旱。十年。六月旱。至于七月。江淮建康和興國恭涪瀘合金南平旱。十一年。四月不雨。至于八月。吉贛建昌福泉汀漳潮梅循邕賓象興元金洋西和皆旱。吉興元尤甚。冬。不雨。至明年二月。十

四年。五月。旱。臨安鎮江。嚴常湖秀。紹興衢婺處明白。
饒信隆興江吉撫筠袁臨江興國建昌皆旱。十五年。
舒州旱。紹熙元年。重慶蘄州池州旱。二年。五
月。真揚通泰楚滁和高郵盱眙及蜀普隆涪渝遂富
順監皆旱。簡資榮州大旱。三年。夏。郢楊和三州大
旱。秋。簡資普榮叙隆富順監復大旱。四年。綿州大
旱。三凌簡資普渠合州廣安軍旱。江浙自六月不雨
至于八月。婺台信鎮江江陵江西淮東旱。五年。浙
東西自去冬不雨。至于夏秋。常秀鎮江江陰大旱。淮
東西旱。廬和濠楚為甚。江西七郡秋旱。慶元三年。

潼利夔路十五郡旱。自四月至于九月。金蓬普州大
旱。六年。四月旱。常州鎮江府大旱。水喝。淮郡自春
無雨。首種不入。及京襄皆旱。嘉泰元年。夏。五月旱。
浙西郡縣及蜀郡十五皆大旱。二年。春旱。至于夏
秋。浙西湖南江東旱。常秀潭永鎮江建康為甚。四
年。五月不雨。至七月。浙東江西旱。開禧元年。夏。浙
東西不雨百餘日。衢婺嚴越大旱。澧忠涪亦旱。
二年。南康軍江西湖南北旱。三年。二月不雨。嘉
定元年。夏。旱。至七月乃雨。二年。四月旱。首種不入。
至七月乃雨。浙西大旱。常潤為甚。淮東西江東湖北

皆旱。四年。資昌普合州旱。六年。五月。不雨。至七月。江陵德安漢陽旱。八年。春旱。首種不入。至八月。乃雨。江浙淮閩皆旱。衢婺温台明徽池真太平建康寧國廣德興國南康盱眙安豐為甚。十年。七月。不雨。十一年。秋。不雨。至于冬。淮郡及常州鎮江建康江陰廣德旱。蔬麥皆枯。十四年。浙閩廣旱。明台衢婺温福為甚。江西旱。贛吉建昌為甚。十五年。五月。不雨。至七月。贛州大旱。十六年。五月。不雨。岳州旱。

恒燠

春秋桓公十五年。春。冰。劉向以為周春。今冬也。

成公元年。二月。無冰。襄公二十八年。春。無冰。說曰。水旱之災。寒暑之變。天下皆同。故曰。無冰。天下異也。桓公殺兄弒君。外成宋亂。與鄭易邑。背叛周室。成公時。楚橫行中國。王札子殺召伯。毛伯。晉敗天子之師。于貿戎。天子皆不能討。襄公時。天下諸侯之大夫。皆執國權。君不能制。漸將日甚。善惡不明。賞罰不行。周失之舒。秦失之急。故周衰。三。寒。歲。秦滅。三。燠。年。漢武帝元狩六年。冬。三。冰。先是。比年。遣大將軍衛青。霍去病。攻祁連。絕夫幕。窮追單于。斬首數十萬。級還。大行慶賞。乃閱海內勤勞。遣博士褚大等六人。持節。

巡行天下。存賜鰥寡。假予困乏。舉遺逸。獨行君子。郡國有以便宜上者。丞相御史以聞。天下咸喜。昭帝始元二年。冬。三冰。是時一年九歲。大將軍霍光秉政。始行寬緩。欲以說下。

後齊天保八年。三月。大熱。人或暍死。劉向五行傳曰。視不明。用近習。賢者不進。不肖不退。百職廢壞。庶事不從。其過在政教舒緩。時帝狂躁荒淫。無度之應。

唐天寶元年。冬。無冰。先儒以為陰失節也。又曰。知罪不誅。其罰燠。夏則暑殺人。冬則物華實。蓋當寒反燠。象宜刑而賞之也。貞元十四年。夏。大燠。元和九

年。六月。大燠。長慶二年。冬。少雪。不冰凍。草木萌萐如正月。廣明元年。十一月。煖如仲春。

宋淳化二年。冬。京師無冰。太中祥符二年。京師冬。溫無冰。

天聖五年。夏秋。大暑。毒氣中人。占者曰。此洪範所謂恒燠也。嘉祐六年。冬。京師無冰。治平四年。冬。無

雪。元豐八年。冬。無雪。元祐元年。冬。無雪。四年。冬。無雪。五年。冬。無冰雪。紹興五年。五月。大燠。四

十餘日。草木焦槁。山石可灼。人死於暑者甚衆。三十一年。冬。無雪。

乾道三年。冬。溫。少雪。無冰。五年。冬。溫。三雪。六年。冬。復溫。無雪。無冰。紹興三年。潼川路不雨。氣燠如仲夏。日月皆赤。榮州尤甚。慶元元年。冬。無雪。四年。冬。無雪。越歲春燠而雷。六年。冬。燠。無雪。桃李華。蟄蟲不藏。管子曰。臣乘君威。則陰侵陽。盛冬不冰。時韓侂胄擅朝。陰脅陽之象。開禧三年。冬。少雪。嘉定元年。春。燠如夏。六年。冬。燠。無冰。有雷。昆蟲不蟄。八年。夏。五月。大燠。草木枯槁。百泉皆竭。行都斛水百錢。江淮盃水數十錢。暍死者甚衆。九年。冬。無雪。十三年。冬。無冰。臘。無雪。越歲春暴燠。土燥。泉竭。

文獻通考卷之三十四終

